

BONERIANO®

EDITOR:
Bonaire Communication Services N.V.

Djaluna 17 òktober 2022 | Preis:\$1.00

DEMANDA PISÁ

Toyen bahando den kueba den 'Aki Boneiru' awe nochi

Desde djasabra último ta pasando un programa 'Aki Boneiru' interesante na Bonaire.tv. Awe djaluna pa 9'or di anochi e programa aki ta ripiti pa último biá por lo pronto. Toyen Frans ta siña e tevididentenan di un kueba den Bolivia.



CHANGAN AUTO

F70 4x4

[f /dabboussimotors](#)

Live FM 99

TAKIVI
AUTO PARTS & GARAGE N.V.

sirbiendo BONEIRU pa
25 aña

Nos ta yama tur nos klientenan danki pa e konfiansa depositá den nos durante e 25 aña nan aki.

Auto Parts & Garage Kaya Bulgaira # 9

Boneiru den shòk

PAG: 2

Breast Cancer
AWARENESS MONTH

NAPA

\$10 FREE SLOT PLAY

Sign up for your **FREE** Player's Card and receive \$10 in **FREE** Slot Play!

Open Monday - Saturday 8pm to 4am | Sunday 7pm to 3am | (599) 717-3504
diviflamingocasino.com | ATM available

DIVI FLAMINGO CASINO

HAIR BARBERSHOP

Hanchi lenks pabou di Gas Ekspress

Habré 5 dia!
Tel: +599 788-2228 / +5999 529-2228

[f hair cut](#)

Wi-Fi

www.hairbarbershop.com

Bringamentu den Kaya Grandi:

Boneiru den shòk

KRALENDIJK- Un kaso di maltrato severo den pleno Kaya Grandi a laga praktikamente henter Boneiru den shòk. Den oranan di mardugá di djaweps 13 di òktober pa djabièrnè 14 di òktober, un pelea formal a tuma lugá entre al-

gun hòmber. E video di e insidente aki ta sirkulá riba medionan sosial. E imágenan ta basta fuerte. Por nota klaramente kon e maltrato severo aki ta tuma lugá, i na final por mira e víktima inkonsiente, sin ta duna señal di bida.

Segun informashon ku BONERIANO ta dispone di dje, ta trata di un konflikto entre e víktima di origen latino i 3 hòmber lokal. Probablemente e problema a kuminsá na un otro establecimiento di hóreka na Parke Wilhelmina i a culminá den Kaya Grandi.

Miéntrastantu polis a detené 2 persona. Tin ku menshoná ku un di nan mes a entregá na outoridat. Kuerpo Polisial Hulanda Karibense (KPCN) ta investigando e kaso alarmante aki i no ta deskartá posibilidat

pa mas detenshon.

Na e momentu aki tin rumornan fuerte ku e víktima a fayesé. “Te ku aworaki KPCN no tin e infor-

mashon aki”, Carol-ann Soliano, bosero di KPCN ta bisa.

Foto: imágen di maltrato severo.



Tur loke ta payroll i HR den bo plant'i man!

www.payrollprohrm.com

GET IT ON Google Play

Download on the App Store

Payroll Pro

tandprothetische praktijk
BONIRE
tandprothetische praktijk

AKI TA TRAHA I DRECHA PLANCHA PA DJIENTE. BO TA WARDA MIENTRAS NAN TA DRECHE, SERVISIO RAPIDO.

djaluna pa djaweps: 9'or mainta pa 12'or merdia, 2'or te 4'or di atardi.

djabierne: 9'or mainta pa 12'or merdia, atardi ta SERA.

E.M. Rijswijk

Por yama pa un sita na tel. 717-2248 òf selular 796-3714
Kaya Dr. J.G. Hernandez s/n (banda di Botica Korona)



Nos mester tin rèspèt pa nos idioma materno Papiamentu. Lástima ku hopi hende i instansia no ta demonstrá e rèspèt aki. Ta kometé e erornan di mas kèns ku por tin. Den pasado mi tabatin rúbrikanan den Extra i despues BONERIANO pa dediká atenshon na omishonnan ku no ta aseptabel den nos idioma. Tin hende i instansia ku tabata apresia esaki, pero otronan nò. Especialmente na momentu ku mi tabata mustra riba fout ku 'ekspertonan' di Papiamentu ta hasi. Hende ku diploma di Papiamentu ku ta kere ku pasobra nan tin diploma nan sa tur kos.

Ami no tin ni diploma di 'lushiklas' di Papiamentu. M'a siña skirbi Papiamentu trahando pa korant, skirbiendo tur dia algun mil palabra na nos idioma. E kolumna aki mes so kaba ta konsistí di masomenos 360 palabra. Naturalmente, anke ku mi a bai ofisialmente ku penshun, mi ta skirbiendo ketu bai den BONERIANO, pero no bou di e preshon di ántes mas pa yena korant. Awendia mi ta skirbi loke mi ke skirbi. Mi ta kalkulá ku den BONERIANO awendia ainda tin mi tekstonan di masomenos 5.000 palabra ta sali tur dia.

Tin algu ta molestia mi pa añanan kaba relashoná ku nos idioma materno. Ta trata di e direkshon ku ta hibando Papiamentu popoko bou di influensia di Kòrsou. Mi a yega di hiba diskushon fuerte i skèrpi riba por ehèmpel e palabranan neishi, peishi, leishi. Tantu yunan di Kòrsou ku a establese riba nos isla, entre otro pa traha den enseñansa, den nos aparato públiko òf sektor partikular, komo algun di nos mes hendenan di Boneiru, ta insistí ku mester skirbi respektivamente nèshi, pèshi, leshi, refiriendo na e palabranan menshoná ariba. Nos hende grandinan definitivamente no ta papia di nèshi, pèshi i leshi.

Loke tambe ta molestia mi hopi ta propagandan na televishon, radio i tambe den BONERIANO, den kua tin foutnan grave. Por ehèmpel durante sorteo di Weg'i Number Boneiru tin poné e lema: "Kumpre pa bo gan'e." Mester ta: "Kumpr'é pa bo gan'é." Masha simpel. Spera ku por korigié.

Siman pasá, ku su rason, Judy Diaz a komentá ku BONERIANO tin hopi fout, tantu fout tipográfiko, ortográfiko komo gramatikal. Mi ta e último pa desmentí esaki. Pero mi por trankilisá Judy. Nos ta trahando duru pa evitá e fayonan aki den BONERIANO.

Pa bisawelo ku a mishi ku mucha:

DEMANDA PISÁ

K R A L E N D I J K - "Henter e dosié ta reflehá ku bo ta un hòmbler bieu ku gusta mishi ku mucha. Mi no ta husga, mi ta bisa bo loke ta aparentá", hues mr. Carmelia ta bisa durante e huisio kontra e hòmbler Pedro W.(70). Djaweps 13 di òktober último Korte den Promé Instansia a atendé e kaso penal den su kontenido den kua Ministerio Públiko (OM) a demandá un kastigu di prizòn di 8 aña pa e sospechoso. Ta akusá W. di 5 echo kastigabel. Violashon seksual i intento di violashon seksual di un mucha menor di 12 aña di edat, aktonan kontra moral, penetrashon seksual di un menor entre 12 pa 16 aña di edat, akto kontra desensia di un mucha bou di su outoridat.

Fiskal mr.Rienhart-Martis a representá OM miéntras abogado mr. Winkel tabata enkargá ku defensa di e sospechoso. Daisy Hoyer a fungi komo intérprete durante e kaso.

E sospechoso tin 7 luna enkarselá den kuadro di aresto preventivo. Dos wardadó di prezu a eskoltá W. pa sala di korte.

Tin ku remarká ku e kaso aki ta basta delikado. E víktimanan envolví ta menor di edat. Mama di 1 víktima a pidi korte pa atendé e kaso porta será. "E sospechoso ta un hòmbler mayor di edat pues nos no por atendé porta será", fiskal ta reashoná.

Hues a hasi un apelasjon na prensa pa no menshoná nòmber di e víktimanan i alabes tene cuenta ku komunidat di Boneiru ta chikí. Amplia riba e kaso den prensa por ta algu bergonsoso pa e víktimanan.

BONERIANO komo medio di komunikashon re-

sponsabel lo no amplia tokante detayenan íntimo di e dosié penal.

E krímen

Resumiendo e dosié penal, ta trata aki di un sospechoso ku pa mas ku un dèkada a mishi ku 2 mucha muhé for di nan 8 aña di edat. Tur kos a sali na kla riba 13 di mart 2022.

E dia aki e sospechoso a bai na kas di un víktima i hasi akto kontra moral. E víktima a konta su mama e suseso i su tata a denunciá esaki na outoridat. Konsekuentemente e víktima a splika ku ta algu ku pa añanan ta tuma lugá i tin otro mucha tambe involukrá. Miéntras tantu e segundo víktima ta mayor di edat.

Ademas tin e akusashon ku e sospechoso a klap e atras di su yu di kriansa.

E sospechoso ta atmiti ku 13 di mart el a aktua indesente pa ku un víktima pero sobra akusashon e no ta kòrda.

"Bo ta bisa un frakshon so di loke e víktimanan a deklará", hues ta remarká.

"Mi no ta kòrda tur kos, m'a kuminsá bira demente", W. ta kontestá.

"Tur hende ta wak bo komo e hòmbler amabel i konfiabel den famia. Dikon e muchanan lo ta inventá algu asina?" hues ta puntra.

"Mi no sa, mi no por bisa nada. Mi no sa nada. Mi ta keda para riba mi deklarashon na polis", W. ta bisa.

Demensia

Hues a atendé e rapòrtan di Reclassering, sikólogo i sikiater forensiko. E ekspertonan ta confirmá ku e sospechoso ta sufri di kuminsamentu di demensia. Pa e motibu aki e no ta

kompletamente responsabel pa e delito di 13 di mart último. Pero pa e echonan kastigabel di un dèkada largu sí e ta completamente responsabel.

Segun Reclassering dado momentu W. tabatin remordimentu di konsenshi i riba persistensia di su famia el a bai polis. Ademas el a diskulpá na e famianan.

W. a reashoná basta emoshonal. "Bo sa kon mi ta sintá aki den, pa e kaso di mart ya mi tin 7 luna será. Mi ta sinti hopi falta di mi hendenan. P'esei mi ta sinti mi kurpa ta bai atras."

Hues a puntra W. si e tin kontakto ku su famia. "Mi tin kontakto ku mi yunan i mi kasá. Asta mi ta haña bishita di mi nietunan. Mi tin 9 nietu i 1 bisañetu", W. ta splika.

Kastigu i no diskulpa

Pa fiskal e diskulpa di e sospechoso no ta sufisiente. "No mester lubidá

dikon nos ta sintá aki. Riba e isla aki tin un mucha di 14 aña ku mitar di su bida ta kanando ku un trauma. Kon bo por konta bo mayornan loke e bon Tio Pedron a hasi ku bo?" mr. Rienhart-Martis ta bisa durante su rekisitorio.

Ekspertonan a konsehá pa duna e sospechoso un kastigu di prizòn parsialmente kondishonal. Ministerio Públiko no a sigui e konseho aki i a demandá un kastigu di prizòn di 8 aña.

Abogado mr. Winkel no por a hasi hopi ku defensa di W. Pues e abogado a focus mas pa baha e demanda di fiskal. El a pidi korte pa tene cuenta ku e estado mental di su kliente i pa dun'e un chèns.

Hues a duna W. e último palabra. "Mi no tin nada mas pa papia", W. ta bisa.

Korte den Promé Instansia lo tuma un desishon riba 3 di novèmber próksimo.

Foto: Pedro W. rumbo pa sala di korte.

Peña Traha Pa Bo B.V.

ta buska

6 metselaar

Pa mas inf.

tel. +599 785-3119

Coral Casino Bonaire

ta buska

DEALERS 21+

*Coral Casino por duna training tambe pa por siña bira Dealer

*Aplikante mester ta den posishon di un pasport hulandes

*Mester por dominá e idiomaan: papiamentu-ingles-hulandes i spaño

*Mester por presentá papel di Bon Kondukta.

Pa mas informashon por pasa personalmente na Coral Casino durante orario di ofisina di djaluna pa djabierne entre 8'or mainta pa 5'or atardi.



Partisipashon



Kolegio Ehekutivo di Entidad Pùbliko Boneiru, a base di artíkulo 2.8 insiso 3 di e Lei di bibienda públiko, planifikashon espasial i maneho ambiental BES, ta partisipá ku den e periodo **te ku fin di yùli 2022** a risibí e siguiente petishonnan pa pèrmit di konstrukshon:

Zaak kenmerk	Aanvraag datum	Vergunning a a n v r a a g voor	Andere soorten bouwwerken	Perceel gegevens	Wijk	Straat en huisnummer
Z/22/001996	04-jul-22	Bouwen	Twee woonhuizen onder een kap	2-B-341	Rincon	-
Z/22/001997	04-jul-22	Bouwen	Woonhuis	2-C-266	Rincon	Rincon
Z/22/002005	05-jul-22	Bouwen	Berging	4-D-2354	Antriol	Dawari 5
Z/22/002008	05-jul-22	Bouwen	Woonhuis	4-E-4090	Antriol	Oud Lagoen kavel 24
Z/22/002010	05-jul-22	Bouwen	Woonhuis met zwembad, Carport, Palapa	4-G-3972	Nikiboko	Vista Royal Village 96
Z/22/002014	05-jul-22	Bouwen	Hobbykamer/Berging	4-G-1850	Tera Kora	Kaya Embira 8
Z/22/002034	07-jul-22	Bouwen	Woonhuis	4-H-792	Belnem	Kaya Pos di Hala
Z/22/002052	12-jul-22	Uitbreiden	Woonhuis met slaapkamer, gallerij	4-B-256	Tra'i Montana	Bona Bista 18 A
Z/22/002060	13-jul-22	Bouwen	Knoekhuis	4-B-35	Antriol	onbekend
Z/22/002069	13-jul-22	Bouwen	4 appartementen	4-E-1424	Antriol	-
Z/22/002074	14-jul-22	Bouwen	Twee woonhuizen onder een kap	4-E-3825	Antriol	Antriol
Z/22/002075	14-jul-22	Uitbreiden	Woonhuis tot twee woonhuizen onder een kap	4-G-3774	Nikiboko	Kaya Viol
Z/22/002076	14-jul-22	Bouwen	Woonhuis met zwembad en losstaand gebouw	4-B-402	Weg naar Rincon	Pure36
Z/22/002087	16-jul-22	Bouwen	Bar/Restaurant -Diveshop	4-D-1211	Kralendijk/Playa	Kaya J.N.E. Craane 10-12
Z/22/002088	16-jul-22	Bouwen	Woonhuis	4-A-2431	Hato	Kaya Pauwnee
Z/22/002091	17-jul-22	Bouwen	Containerhuis	2-G-88	Tra'i Montana	Kaminda Tera Bara 80
Z/22/002097	18-jul-22	Uitbreiden	Berging	4-D-3114	Antriol	Cubana Resort
Z/22/002098	18-jul-22	Bouwen	Woonhuis met zwembad	4-G-3990	Nikiboko	-
Z/22/002101	19-jul-22	Bouwen	Woonhuis met zwembad	4-G-3917	Nikiboko	Vista Royal Village 7
Z/22/002102	19-jul-22	Bouwen	Woonhuis met zwembad	4-G-3947	Nikiboko	Vista Royal Village 67
Z/22/002103	19-jul-22	Bouwen	Woonhuis met zwembad	4-G-3946	Nikiboko	Vista Royal Village 65
Z/22/002104	19-jul-22	Bouwen	Woonhuis met zwembad	4-G-3953	Nikiboko	Vista Royal Village 79
Z/22/002105	19-jul-22	Bouwen	Woonhuis met zwembad	4-G-3952	Nikiboko	Vista Royal Village 77
Z/22/002106	19-jul-22	Bouwen	Woonhuis met zwembad	4-G-3950	Nikiboko	Vista Royal Village 73
Z/22/002109	19-jul-22	Bouwen	Maatschappelijke en culturele faciliteiten	4-D-3548	Antriol	Kaya Korona 13
Z/22/002112	19-jul-22	Uitbreiden	Bestaande woonhuis	4-G-3559	Nikiboko	Kaya Kasuela 8
Z/22/002113	19-jul-22	Bouwen	Zwembad	4-F-621	Belnem	EEG Boulevard 34
Z/22/002115	19-jul-22	Bouwen	Woonhuis	4-F-782	Kralendijk/Playa	Kralendijk/Playa
Z/22/002120	19-jul-22	Bouwen	Woonhuis met zwembad	4-A-2296	Santa Barbara	Santa Barbara
Z/22/002125	20-jul-22	Bouwen	Woonhuis met zwembad	4-A-1613	Nawati - Zuid	Nawati - Zuid
Z/22/002126	20-jul-22	Uitbreiden	Gym, Terras en een zwembad	4-F-930	Belnem	La Palma
Z/22/002127	20-jul-22	Bouwen	Woonhuis	2-C-263	Rincon	Kaya Ramon Goeloe
Z/22/002129	21-jul-22	Bouwen	Woonhuis	4-E-4083	Salina	Oud Lagoen kavel 19
Z/22/002132	21-jul-22	Bouwen	Complex begeleid wonen	4-E-2330	Antriol	kv 1561 & kv 2330
Z/22/002134	22-jul-22	Bouwen	Appartementencomplex	4-D-237	Kralendijk/Playa	Kaya Gobernador Nicolaas Debrot
Z/22/002136	22-jul-22	Bouwen	Zwembad	4-E-655	Nikiboko	Kaya Thomas M. Marchena
Z/22/002138	22-jul-22	Bouwen	Woonhuis met zwembad	4-A-1615	Republiek	Kaya Plata
Z/22/002142	25-jul-22	Bouwen	Overkapping/ Porch, Carport	4-E-1006, 4-E-1007	Belnem	Kaya Saturnus
Z/22/002148	25-jul-22	Uitbreiden	Carport	4-G-361	Kralendijk/Playa	Kaya Berlin 7
Z/22/002149	25-jul-22	Uitbreiden	Carport	4-G-361	Kralendijk/Playa	Kaya Berlin 7
Z/22/002166	27-jul-22	Bouwen	Woonhuis met zwembad en Palapa	4-A-2624	Sabadeco	Crown West 259
Z/22/002172	27-jul-22	Uitbreiden	Uitbreiden woonhuis	2-E-18	Seri Suit	Kaya Seri Suit
Z/22/002199	29-jul-22	Uitbreiden	Woonhuis tot twee onder een kap	4-E-2556	Antriol	Kaya Salsa # 222
Z/22/003608	26-aug-22	Bouwen	8 st. Villas	4-D-3054	Hato	Kaya Gobernador Nicolaas Debrot
Z/22/003509	29-sep-22	Bouwen	Funderingspoeren voor zonnepanelen	1-H-22	Karpata	Kaminda Turistiko 1000

E anunsio públiko tin komo meta pa informá tur hende tokante petishonnan pa pèrmit di konstrukshon ku a keda entregá. Interesadonan direkto, denter di dos siman di e anunsio aki, pa medio di un sita por tira bista riba dokumentonan i entregá nan punto di bista na Direktorado Planifikashon i Desaroyo/ Departamento di Realisashon/ Unidat di Pèrmit di konstrukshon (via email na: directie_ro@bonairegov.com). Ta enbolbí e punto di bista den e toma di desishon. Si bo no ta di akuerdo ku e desishon definitivo, a base di e Lei hurisdikshon atministrativo BES dentro di un término di 6 siman despues di e fecha ku a emití e desishon, bo por entregá un karta di opheshon na Kolegio Ehekutivo, òf bai den apelashon na Korte di Promé Instansia dentro di 6 siman despues ku e fecha ku a emití e desishon.

Direktor di Direktorado Planifikashon i Desaroyo
Gobièrnu di Boneiru
Ing. Marlon Martina, MBA

Segun James Finies di NKKB:

“Asuntu di gezaghèber ta kortina di huma”

KRALENDIJK- “Esa-ki ta ‘smokescreen’ pa tapa e abusunan di gobièrnu Hulandes i desviá atenshon pa e pueblo bai vota. Keriendo ku su voto por trese kam- bio den struktura di kolo- nia kaminda no ta esun ku el a vota p’e ta disidí pero Den Haag ta disidí”, James Finies ta bisa pa medio di un komunikado di prensa.

E notisia di gezaghèber ta den kuadro di kampaña pa elekshon ku ta na ka-

mindu na mart 2023. Geza- ghèber ta un funshon i in- stitushon kolonial i ku no ta vota p’e, ta wòrdu nombrá pa Hulanda i e ta traha pa i na interes di gobièrnu Hu- landes. El a hasi su trabou asina bon, saliendo na in- teres di gobièrnu Hulandes, ku e la wòrdu nombrá pa un segundo periodo di 6 aña. Gezaghèber Rijna a permití huntu ku UPB, MPB inklu- so Daisy Coffie (awor ku su mes partido nobo M21)

i Clark Abraham Frak- shon Liberal (ku despues a bolbe bira DP), tur a bai di akuerdo pa Hulanda viola lei internashonal i ankra e pueblo Boneriano den konstitushon Hulandes sin derecho igual i kontra de- seo i e voto Nò di e pueblo Boneriano.

Esaki ta ‘smokescreen’ pa tapa e problemanan ka- minda ni gezaghèber, tam- poko e polítikonan ku ta den gobièrnu na Boneiru no tin

nada di bisa. Ta Den Haag ta disidí. Un farsa i burla di demokrasia. Na mes mo- mento aki awor kuenta di koriente a subi despropor- shonal na Boneiru i esaki for di Hulanda, Autoriteit Consument Markt (ACM) ta disidí i no tin kunen ku e pueblo ta luchando pa so- brebibí. Gezaghèber ni niun polítiko sea di gobièrnu òf oposishon no por hasi nèt nèt nada. I mientrastantu e Boneriano a wòrdu redusí

na un grupo di minoria riba su mes isla i pa 2030 lo ta ménos ku un tersera parti di e poblashon i lo dispersé den futuro serkano.

Hulanda su polítika di divishon ta funshonando perfekto i nos ta sigui kai den e mesun trampa kada bes, kada elekshon enbes di uni kontra e enemigu ko- mun ku ta e kolonisadó Hu- landa ku ta usando nos mes kontra otro.

Mishimentu ku mucha:

Ministerio Públiko no ta tolerá

KRALENDIJK- “Otro- nan mester sa ku no ta tolerá e kondukta aki”, fiskal mr. Altagracia Rienhart-Mar- tis a bisa den Korte den Promé Instansia. E fiskal a hasi bon kla ku Ministerio Públiko (OM) no ta tolerá aktonan kontra moral ku menor di edat.

Djaweps 13 di òktober último korte a trata un kaso delikado den kua ta sos- pechá un hòmbler di 70 di edat di a kometé aktonan kontra moral ku mucha.

E fiskal a hiba un rekisi- torio amplio i a splika kon segun OM e sospechoso tabata operá. “E tabata un persona di konfiansa i pa añanan largu el a ‘groom’ e muchanan”, el a splika. E fiskal a trese dilanti ku



Fiskal mr. Altagracia Rienhart-Martis

e sospechoso tabata mishi ku e muchanan entre nan 8 pa 14 aña di edat. Pues nèt komienso di nan desaroyo seksual.

Ta basta awor

E fiskal a hasi un yama- da na tur víktima di abusu seksual pa bin dilanti ku nan eksperensia, esaki ta e úniko manera pa stòp e malechor. “Segun estudio hasí, e malechor ta stòp na momentu ku hustisia inter- vení.” E hurista a splika ku mayornan mester ta alerto i protehá nan yunan.

Ministerio Públiko a de- mandá un kastigu di prizòn di 8 aña. Por konsiderá es- aki komo un kastigu pisá, mirando ku e sospechoso ta sufri di demensia. “Mi ta rekonosé ku un detenido ku demensia por trese algun problema pa JICN. Pero nos no a yega einan ainda. Mi no ta tene kuenta ku es- aki”, fiskal ta enfatisá.

Reflekshon di siman

BIENTU FUERTE

“I ora ku El a lanta, El a reprendé e bientu i a bisa e laman: “Silensio, keda ketu!” I e bientu a kai i a bira kompletamente kalmo.” Marko 4:39(BS)

Kua ta e situashon ku ta molestiá bo awe? Tin un bientu di tempestat ta supla duru den bo direkshon? Bo ta nabegando den awa bruto?

Hopi bes nos dia por habri basta trankil i por parse ku nos tin tur kos bou di kontrol. Pero inesperadamente e bientu di tempestat por kuminsá supla, laman por bira bruto i nos por sinti ku nos ta kuminsá senk. Mesora nos ta kuminsá drenta pániko i ta buska solushon, ma nos ta sinti ku nos no tin gara riba e situashon, loke ta laga nos sinti nos mes mas i mas anshá.

Awe mi ke animá bo ku esaki; tin Un ku por kalma tur tipo di tempestat. Esei ta Hesus! E por kalma tempestat di bientu i olanan fuerte di laman. Den e versíkulo di awe Hesus ta bisa e bientu: “Silensio, keda ketu.” I milagrosamente e bientu ta kai i ta bira kompletamente kalmo. Bientu fuerte, laman i olanan bruto ta obedes’É. E so tin outoridat riba tur situ- ashon i tur sirkunstansia.

Kiko ta bo sirkunstansia awe? Yama ariba Hesus. Asina ku E presentá den bo situashon E ta reprendé e bientu fuerte di tempestat i ta trese kalmo den bo bida.

No kana rònt ku bo karga. Tuma tempu aserká Señor Hesus den orashon. PidiÉ pa kalma e bientu fuerte den bo bida, i mira kon e situashon lo kalma i klaria. Hesus por kalma e tempestat den bo bida!

Miralda Paula-Frans

Produkshon PGM

Michael Pieters: “Sin vishon i sin maneho.”

Kuater aña di mal gobernashon MPB/UPB

KRALENDIJK – Na opinion di eks-miembro di Konseho Insular Michael Pieters, durante tratamentu di presupuesto pa aña 2023 den reunionnan di Komishon Fiho den Konseho Insular siman pasá, por a konkluí ku e gobièrnu aktual pa 4 aña largu no tabatin un vishon ni maneho riba ningun área di gobernashon. “Ta desishonnan ‘ad hoc’ tabata keda tumá pa e gobièrnu di MPB/UPB i fabornan hasí na amigunanan dor di krea e famoso OvO i apliká esaki na gran eskala.”

Di akuerdo ku Michael Pieters, esaki ta duna e posibilidat ku, kontrali na un akuerdo di trabou, por duna un persona òf instansha trabou sin aprobashon di Representante di Reino.

Desaster

Segun Pieters, mester bisa ku pa 4 aña largu tabatin un desaster den gobernashon insular aki na Boneiru. Desaroyonan ku a tuma lugá den e 4 aña aki ta netamente proyektonan ku Hulanda tabata e katalisador den esakinan, mustRANDO opviamente ku di parti di gobernashon di MPB/UPB no tabatin ningun iniciativa propio, pasobra simplemente e gobièrnu aki no tin un vishon ni un plan di maneho.

Michael Pieters ta sigi bisa ku a yega ora pa pueblo di Boneiru duna un sosten mayoritario na Partido Demokrat ku Clark Abraham na kabes pa por trese un buèlta den e forma ku ta goberná e isla di Boneiru i



pa stipulá un maneho a korto i largu plaso pa ku futuro desaroyo di nos isla.

Pieters: “A yega ora pa pueblo di Boneiru dia 15 di mart 2023 duna Partido Demokrat i Clark Abraham un sosten total pa asina Partido Demokrat por mustra durante 4 aña largu huntu ku su lider polítiko i un ekipo profeshonal i ku e pueblo

di Boneiru na pechu, pa goberná i trese un desaroyo kaminda e pueblo den su totalidat ta sinti esaki positivamente i por ta garantisá di bienestar, trabou i pan riba mesa diariamente.”

Sosten absoluto

Di akuerdo ku Michael Pieters, ta masha importante pa Partido Demokrat haña un sosten absoluto pa asina e partido por goberná sin tin mester di drumi anochi ku un wowo habrí pa asina mira si e miembro di koalishon ta lanta mainta i kita sosten.

“Partido Demokrat ta pidi pueblo di Boneiru un sosten absoluto dia 15 di mart 2023 pa asina Clark Abraham huntu ku su ekipo por goberná Boneiru pa 4 aña largu sin interrupshon

den esaki. Duna Demokrat i Clark Abraham un chèns.”

Pieters ta sigui bisa ku na aña 2015 Clark Abraham a haña un oportunidat pa goberná, pero for di prinsipio por a mira ku esaki lo no tabata pa largu durashon. “Dikon? Pasobra for di prinsipio e lider polítiko di e tempu ei a krea un struktura kaminda su persona komo lider polítiko i e otro lider polítiko di UPB tabata esnan ku gobernashon mester a drai rondó di nan dos i esaki tabata algu ku a trese tur sorto di komplikashon. Pero tabata un struktura bon pensá pa e lidernan di e tempu ei pa e parti di ehekushon di trabounan den Kolegio Ehekutivo mester a tuma lugá ku bendishon di nan dos. I ta akinan tur kos a bai robes.”

Monitoreo malesa infeksioso

KRALENDIJK - Dòkternan di kas na Boneiru ta bai traha huntu ku e instituto di investigashon Nivel na Hulanda pa kombati malesa infeksioso den un forma mas efisiente. Ku e meta akí – meskos ku na Hulanda – a establese un sistema na Boneiru pa monitoreá plamamentu di malesa infeksioso: e Ret di Registrashon di Dòkternan di Kas Boneiru. Ku e informashon ku nan ta akumulá den e ret akí, por señalá oumento di malesa infeksioso na tempu i si ta nesesario por tuma medida. Esaki lo kondusí na mehorashon di salubridat públiko na Boneiru.

Pa por kombati malesa infeksioso efisientemente,

ta esensial pa sa kua ta e malesanan ku ta sirkulá i tambe kon rápido esakinan ta plama bou di nos poblashon. E Ret di Registrashon di Dòkternan di Kas ta sòru pa e informashon akí bira disponibel.


Kon e Ret di Registrashon di Dòkternan di Kas ta funshoná?

Nan ta akumulá informashon tokante problema ku salú di siudadanonan ku ta bai nan dòkter di kas pa esaki. T’asina ku e dòkternan di kas ta registrá e problemanan di salú di nan pashèntnan den fail elektróniko di pashènt. Pa medio di kolekshoná informashon tokante salú di tur dòkter di kas na Boneiru,

nos ta haña un bista bon i aktual di e malesanan infeksioso ku ta sirkulá na nos isla. Ku e Ret di Registrashon di Dòkternan di Kas Boneiru ta disponé di un ‘Early Warning System’, un sistema di alerta tempran pa malesa infeksioso.

Bo privasidat ta garantisá

Si bo dòkter di kas ta afiliá na e Ret di Registrashon di Dòkternan di Kas, nan ta akumulá informashon tokante bo salú ku bo dòkter di kas a registrá den e fail médiko. P’esei ta bon pa sa ku nan no ta akumulá nòmber i adrès di pashènt, pero solamente informashon kodifiká. E dòkternan di



kas i Nivel ta tene nan mes estriktamente na e leinan di privasidat na Boneiru i Hulanda. Pa e motibu akí nunca konteo di persona ku un malesa infeksioso no ta dedusibel na persona.

Bo ke sa mas?

- Den sala di espera di konsulta di dòkternan di kas ku ta partisipá na moni-

toreo di malesa infeksioso, tin un poster ku informashon ku bo por wak.

- Riba www.nivel.nl/hrnc bo ta haña tur informashon tokante e Ret di Registrashon di Dòkternan di Kas.

- Bo por tira un bista den medionan sosial di e konsulta di bo dòkter di kas.

Segun Peter Silberie:

“No tabata ami”

KRALENDIJK- Peter Silberie pa medio di un komunikado di prensa a manda lo siguiente.

Ku atenshon hopi hende a sigui e reunion i e debate ku a tuma lugá den e reunion di konseho insular di djamars i ku a kaba djáraman mainta tempran.

Pa loke ta e reunion i e debatenan mester bisa ku esaki en bèrdad ta laga hopi di deseá. Preguntanan no ta wòrdu kontestá na e forma ku pueblo por risibí e informashon nesesario p’asina sa kiko ta sosodé den gobièrnu.

Un parlamento tei pa representá e pueblo ku a vota p’é, i no e partido di kual e ta parti di dje.

Lástimamente Konseho Insular su nivel no a yega na e nivel ei ainda.

Loke si ta bisto ta ku e nivel di konosementu di mayoria miembro di Konseho Insular ta laga hopi pero hopi di deseá.

Ta imposibel ku tin miembro ku tin mas ku 10 aña den polítika i den tantu Konseho Insular òf Kolegio Ehekutivo ni sikiera konosé e loke ku nan ta yama e beibel ku bo mester sa.

Esaki ta e WOLBES i e reglamentu di òrdu di Konseho Insular.

I ora ku e supuesto politikonan aki haña nan ku un miembro ku den kaso aki ta Clark Abraham, ta bini ku tur tipo di argumento pa desbaratá e loke ku e konsehal aki ta trese dilanti i òf rektifiká.

Den e transkurso di e último 3 aña, den práktikamente tur reunion konsehal Abraham tin ku rektifiká e mayoria di punto, konseho i desishon ku nan via di kolegio ehekutivo ta trese dilanti.

Awor na lugá di akseptá e rektifikashonnan aki ta

bai kontra i ku konsekuensi ku despues ku di ariba ta bini òrdu ku esaki no por, mester bolbe bai reuní pa pasa e mesun kosnan.

Pero den e último reunion di Konseho Insular si e kosnan parotin a pasa tur límite.

Ta for di ki dia Konseho Insular tin e outoridat pa skòrs un gezaghebber i pon’é riba nòn aktif.

Si e miembronan di MPB i UPB ku tin mas ku 10 aña den polítika lo tabata konosé nan reglanan, nan lo no bini ku e moshon ku defakto ta unu di deskonfiansa.

Ademas nos ke informá e siudadano, èks diputado, èks miembro di konseho insular i aktual konsehero di diputado ku na lugá di kritiká konsehal Abraham, e mester a konsehá su kompinchinan ku e lokual ku nan a bini ku n’e, ta kontra di regla, i ku no ta tarea di konseho insular.

Pero tur hende entretantu sa ku henter e novela aki ta pa skonde i kuida nan diputadonan!!

Mas aleu nos ke informá ku si skucha konsehal Abraham bon, lo komprondé ku Abraham no ta kontra pa e trahadónan di Selibon haña e sèn.

Pero loke Abraham tin problema ku n’e ta, ku e sènnan ku a aprobá pa entre otro di Selibon no ta di dediká, paso ya den pasado sèn a bai pa Selibon pa trahadó pero a kue sèn hasi otro kos kuné.

Komo tal konsehal Abraham ke sigurá ku e sènnan pa Selibon sigur ta bai pa e trahadónan.

Di otro banda konsehal Abraham nunca por ta kontra di transporte públiko, pasobra ta e di partido Demokrátiko a bini ku e proposishon aki for algun

aña pasá kaba!!

Si e proseso pa ku transporte públiko mester ta bon planiá, pa e no bira un segundo rotònde!!

Anto esei ta e tarea di tur e konsehal nan di konseho insular, kontrolá kolegio ehekutivo (BC).

Konseho insular No por ta un ‘rubber stamp’ di Bestuurscollege.

Komo tal un miembro di konseho insular ku a ser skohé dor di pueblo mester kontrolá e maneho di kolegio ehekutivo.

I kolegio ehekutivo ta konsistí di 3 diputado i gezaghebber.

Den esei gezaghebber su tarea ta pa ta ‘boven de partijen’, e mester sòru pa unidat den kolegio ehekutivo, e ta ‘burger vader’ i mester

vigilá pa tur kos bai segun lei i regla.

Awor e pregunta ku ta wòrdu hasi ta ku den Kolegio Ehekutivo no tin e asina yamá ‘kolegial bestür’.

Ta dikun ke pone gezaghebber so riba nòn aktif?

No ta tur 3 diputado, gezaghebber i tambe e sekretario mester firma?.

Lástima ku mester konstatá ku despues di tantu aña ku e personanan aki den polítika pero ku nan no a siña nada.

Pasobra di e forma aki hamas Boneiru por eksigí nada di Hulanda, i komo tal mes tin tantu pobresa na Boneiru.

Anto ketu bai ta laga tur preis sigui subi, matando asina tambe no solamente esnan pober pero awor

tambe e negoshinan chikí i mediano.

I si sigui asina hasta e negoshi grandinan ta bai bankarota.

Akaso e gobièrnu aki no ta konsiente ku si preis di koriente ku awa ta subi ku e negoshinan mester hinka esaki den nan produktonan?


Esaki ta fomentá mas pobresa ainda. Lástimamente ku den 12 aña ku a pasa, no a pensa, ni hasi nada pa e siudadanonan di Boneiru.

Dia pa dia ta kobra i eksigí pa e siudadano ku e mester paga mas na tur kos ku e tin mester, miéntras salario, penshon i òf ònderstant no ta subi!!

Pero ‘IT WASN’T ME’ !!!

Muhé turista kasi sunú na aeropuerto

KRALENDIJK--Un dama turista, fo’i òrdu bistí, tabata na aeropuerto, kla pa hasi e trámitenan pa subi avion. E tabata na moda di bisa, kasi sú. Esaki a sosodé na Boneiru djasa-bra pasá, atardi, miéntras diferente persona tabata presente pa barka Sunniva Manuel, Miss Belleza Marina Bonaire, kende a bai Repúblika Dominikano pa kompetí.



E turista a presentá na Airopuerto Flamingu i tabatin algu manera un karson di djabou i un flanèl ku ta yega nèt na altura di su partinan íntimo. Momentu e tabata kana na èrpòrt su partinan íntimo tabata lur pafó.

Un persona konosí na SGB a bisa e señora ku e forma ku e ta bistí e no por kana na un aeropuerto, pió hasi e proseso pa biaha,



loke e tabata na kaminda pa hasi. Personal di BIA TAMBE a atendé ku e señora i el a tende e mensahe i a kumpli.

Un reportero di BONERIANO a logra kaptá e dama di mas o ménos 60 aña di bida. Diferente hende presente no por a kere loke nan tabata mira. Na e sitio mes el a bistí un djins i kontinuá ku e proseso di biahe.

“Hende ta kalkulá mi edat na 33 aña”

Zahira de Vries-Prinsen ta mustra 20 aña mas yòn

KRALENDIJK – Zahira de Vries-Prinsen, desendiente di Boneiru, tabata den notisia siman pasá na Hulanda. E korant mas grandi di Hulanda, Telegraaf, a dediká atenshon na Zahira den un rúbrika kaminda ta pone atenshon na hende ku ta mustra mas yòn ku nan edat ta en realidat. E tin 51 aña di edat, pero e ta mustra 20 aña mas yòn, segun e artíkulo den Telegraaf.

“Hende ta kalkulá mi edat na 33 aña”, Zahira Prinsen a bisa den un entrevista ku Telegraaf pa e rúbrika ‘Mooi op elke leeftijd’. Den e rúbrika ta pone atenshon na hende muhénan di tur edat. Pasobra Telegraaf ta haña tur muhé bunita: sin importá peso, midí i òf foutnan di

beyesa.

Rais boneriano

Zahira Prinsen a nase 51 aña pasá den e siudat Haarlem na Hulanda komo yu di Robert Prinsen i Violeta Prinsen-Antoin, ruman muhé awor mas grandi na bida di Papi i Bòi Antoin di BONERIANO. Robert ta nasé na Kòrsou. Nan a kasa na Hulanda den e segundo mitar di dékada sesenta. For di e matrimonio aki a nase Ingvar i Zahira Prinsen. Tanto Robert komo Violeta tin awor edat avansá kaba.

Zahira de Vries-Prinsen ta kasá ku Hans de Vries. E ta traha komo sekretaria di nan empresa di famia. Banda di esaki e ta operá su mes empresa, un asina yamá ‘hondenuitlaatser-

vice’.

Zahira a splika den entrevista ku Telegraaf riba e pregunta ku e ta sinti su mé-sun yòn òf bieu ku e ta. “Mi ta sinti mi mes mas yòn! Otro muhé di 51 aña hopi biá ta inkliná pa bisti paña mas rígido. Mi yu muhé di 20 aña regularmente ta tira bista den mi kashi di paña. Físikamente mi ta sinti sí ku mi ta birando mas bieu. Mi ta spòrt ainda tres dia pa siman, pero mi no por bula un kurá fásil mas manera ántes. Tur kos no ta bai asina di mes. Pero mi tin pas ku esaki.”

Sentebibu

Telegraaf a puntra Zahira kiko ta su sekreto pa keda bunita na edat di 51 aña? “Mi mama semper ta-



bata menshoná Aloe vera komo un medio milagroso. I mi a tuma e idea aki di dje. Tur dia mi ta hunta mi mes ku un krema di Aloe Vera; tantu den dia komo anochi promé ku mi bai drumi. Mas aleu mi ta bishitá kada kuater siman un spesialisista di beyesa. Mi wènbrounan último tempu ta birando mas kla, p’esei mi ta laga duna nan kada dos siman un koló mas skur. Esaki ta duna bo kara tòg un bista mas bibu i ekspresivo.”

Segun Zahira, nunca hende ku e topa no ta kalkulá su edat korekto. “Hende ta kalkulá mi edat 33 òf 34 aña. Semper mi a mustra mas yòn ku mi ta. Tempu komo mi yu muhé tabata un ‘peuter’ hendenan no por a kere ku mi tabata su mama. Probablemente mi tin mi vibrashon hóben debí na mi bon gene. Mi mama (83) tambe semper a mustra mas yòn ku e ta en realidat. En todo kaso mi no ta usa botòks òf sierto kremanan spesial pa keda yòn. Ami ta mas tantu un hende di beyesa natural.”

Kabei

Zahira, riba pregunta di

Telegraaf, a bisa di ta haña su kabei e parti mas bunita di su kurpa. “Mi sa kon ta sinti sin kabei riba bo kabes. Sinku aña pasá a diagnóstiká kanser di pechu serka mi. Mi a logra sobreviví. Mi a haña kemo, radiashon i un operashon di pechu. Mi a wanta tur esakinan te na final. Henter un plan di tratamentu. Debí na e periodo aki mi a bai apresia mi kabei mas tantu. Promé ku esaki ya mi tabata risibí hopi kòmpliment. Mi tabata haña esaki ‘lief’. Esaki lo no bai sosodé nunca mas.”

Riba e pregunta kiko e ta ménos kontentu kuné na su kurpa Zahira a kontestá: “Despues di mi dos embarasonan mi barika nunca mas a bira bèk loke e tabata. Mi a spòrt henter mi bida, pero mientrastantu sa ku bo no por trein hasi tur kos strak na bo kurpa. E pida barika ei lo no bai nunca mas, pero esaki no ta importá. Mi salú ta mas importante.”

Di akuerdo ku Zahira de Vries-Prinsen, hende ta dun’é kòmpliment pa e echo ku semper e ta kla pa yuda otro. Ta difísil pa bisa nò ora ku pidié pa yuda hende.



Programanan di Bonaire.tv

TELBO kanal 70
Flamingo TV kanal 23

Djaluna 17 òktober 2022

12.00 Aktualidat: Gilbert Isabella
13.00 Aki Boneiru: Maskarada 2020
14.00 Herensia Korsou: John Luis Damascus
15.00 Sitionan Marka: Sorobon

16.00 Herensia: Luciana (Lulu) Sint Jago
17.00 Aki Boneiru: Rafael Rodriguez (Frater)
18.00 Herensia: Marco Theodor Anthony
19.30 Puerto Latino: Luis Zárraga

20.00 Herensia: Irena Saragosa-Wanga
21.00 Aki Boneiru: Toyon Frans
(Bolivia Kueb'i stoki i yuana)

22.00 Herensia: Hilda de Windt-Ayoubi
23.00 BAPA: Ernesto Netto Melaan

Tur mèrdia 12’or ta kuminsá un programashon nobo di 4 ora.
E programashon aki ta ripití pa 24:00.

Pa: Masoumah Hosseini

Akusashon infundá

KRALENDIJK -- Dia promé di òktober Follow The Money a publiká e artíkulo ‘Gezaghebber di Boneiru apuntá pa Den Haag ta laga konstruí kosta di Boneiru yen’. Den e artíkulo tin diferente akusashon infundá den mi direkshon. Akusashonnan ku simplemente mi mester por a splika i ku e outornan meskos asina simpel mes por a kontrolá. Lástimamente nan no tabatin interes den esaki.

E konsekuensia di e manera di trabou indigno periodístiko akí ta un atake riba mi integridat personal, ku ta hasi daño serio na mi karera i empresa.

No a kontrolá echonan verifiká. A nenga mi propio reakshon por eskrito, miéntras den e artíkulo sí tabatin espasio pa hendenan ku ròlnan anónimo tokante mi plamá. No a hasi uso di mi petishon pa kontestá preguntanan adishonal.

Mi sa kon e formashon ta traha. Pa e lesadó ya pronto mi ta kulpabel. E lesadó ta konfia tòg ku a hasi investigashon periodístiko minusioso. Den e kaso akí sinembargo no tin menshon di esaki. Komo ku e outornan di e artíkulo a faya den nan deber periodístiko pa hasi esaki, mi mes ta duna e lesadó e echonan.

Mi ta konfia ku a base di esaki bo ta dispuesto pa forma bo propio huisio. Aki bou un resúmen di shete engaño den e artíkulo:

1. “Su amiga tambe ta fungi komo consehero di un di e projektonan di konstrukshon ilegal.” Su amiga, pues ami, desde mas òf ménos un aña mi ta partner di gezaghebber Edison Rijna. Mi no tabata enbolbí den otorgamentu di pèrmit di konstrukshon di e projektonan menshoná, Ocean Oasis, Chogogo Re-

sort i Sunset Beach. Desde yùli 2021 mi ta enbolbí ku e proyekto King’s Beach Resort. Esaki ta eksistí sinembargo solamente ainda riba papel. Ainda no a kuminsá ku e trayekto di pèrmit.

2. “Desde 2019 Rijna tin un relashon ku Masoumah Hosseini prosedente di Afganistan.” Henter aña 2019 mi a biba na Hulanda, loke simplemente mi por demostrá ku un prueba di inskripshon.

Fin di ougùstùs 2019 mi a bini na Boneiru pa promé biá pa fakansi di dos siman. Nunka anterior mi a tende di Edison Rijna, laga para ku un tempu mi tabatin un relashon kuné.

3. “El a bini Boneiru komo kolaboradó di Rijksdienst Caribisch Nederland, e representante di gobièrnu di Reino na e munisipionan partikular, kaminda el a traha na e unidat di e ministerio di asuntunan sosial i oportunitat di trabou.” Esaki no ta kuadra. Na ougùstùs 2019 mi a bini Boneiru pa selebrá fakansi i na mart 2020 mi a bolbe hasi esaki di nobo.

Debí na e pandemia di Corona, e dia di mi yegada espasio aéreo na Boneiru a sera. Mi a disidí pa por lo pronto keda riba e isla i despues a hasi e eskoho pa keda biba i traha. Te promé di òktober 2020 numa mi a kuminsá traha na RCN, unidat SZW, kaminda un luna despues mi a keda enkargá ku e kordinashon di e tim di regulashon di urgensia, NOW.

Ei nan mi a kai riba abuso, gastamentu irresponsabel di plaka di belasting. Mesora despues di notifikashon di esaki, a retirá mi, dia 15 di aprel 2021.

Mi resultadonan relashoná ku e abusanun, a keda confirmá despues pa Kon-

tralaria General.

4. “Pero djis despues di su yegada na Boneiru, el a hasi un kambio di karera remarkabel, e ta bira consehero di desaroyá di proyekto.” “Djis despues di su yegada”, no ta kuadra. Ya mi tabata biba pa kasi un aña na Boneiru momentu ku mi a pèrdè trabou. “Remarkabel”. Ta un huisio sin sentido ku un peso sugestivo. A retirá mi i mi tabata buskando trabou.

Riba un isla chikitu manera Boneiru e merkado laboral ta hopi limitá komo hibadó di notisia. Esaki no ta fásil. Pa mi pues tabata un paso lógiko pa kuminsá un propio empresa, Connecting World Companies BV, komo konsultante di negoshi. Ku esaki mi tabatin eksperensia. Tempu ku ainda mi tabata biba na Hulanda, mi tabata doño di Hosseini Middle East Business Consultancy.

E tempu ei tambe mi tabata duna konseho na diferente empresa i tabatin kontakto regular ku instansianan gubernamental.

Mi ta pensa pues ku tiki hende ta hasi e kambio akí pa un paso ku ya mi a kana anteriormente pa yama esaki ‘remarkabel’.

5. “Mas fuente anónimo ta bisa ku entre otro e ta konsehá Schellevis relashoná ku Chogogo.”

Mi a notifiká telefónicamente i por eskrito ku nunka mi a traha pa Hans Schellevis. Schellevis ta confirmá esaki den e artíkulo. Te asta Sekretario di Estado van Huffelen di relashon di Reino a deklará den e artíkulo ku el a haña di tende di gezaghebber ku mi no ta enbolbí ku e kaso di Chogogo.

E kontrario ta keda pretendé pa fuentenan anónimo.



Masoumah Hosseini huntu ku su partner, gezaghebber Edison Rijna, na okashon di selebrashon Dia di Rincon.

6. “Sí ta confirmá ku Hosseini ta traha komo consehero di Ocean Oasis, un resort di e invershonista di Amsterdam, Jeroen van Stralen.” Konstrukshon di Ocean Oasis a finalisá den e promé mitar aña di 2019. Den e periodo ei ainda, ku prueba, mi tabata biba na Hulanda i ainda mi tabata miembro di Staten na Zuid Holland.

Momentu ku na ougùstùs 2019 mi a yega Boneiru pa promé biá, Ocean Oasis tabata tei kaba. Pues imposibel mi por tabata enbolbí na e petishon di otorgamentu di e pèrmit di konstrukshon.

Mi a siña konosé Jeroen van Stralen pues durante mi fakansi na e bar di Ocean Oasis. Te na yùli 2021 numa el a hür mi, na inisio di e proyekto King’s Beach Resort. Tambe tin biá mi ta hasi sierto tarea pa su otro empresanan. Sí ta trata di petishon di informashon serka gobièrnu tokante trayekto di pèrmit i opheshon entregá dor di van Stralen. Pa esaki mi ta fungi komo persona di kontakto. Den e kuadro akí na su nòmber, tambe mi a pidi informashon tokante e trayekto di pèrmit pa un waf na Ocean Oasis.

Ku esaki no a violá nin-

gun lei. Di ningun manera tampoko tin menshon di konflikto di interes.

7. “Hosseini na inisio di e aña akí tabatin e honor di presentá e plannan na gobièrnu.” Ami no a presentá e plannan di King’s Beach Resort, pero dor di Studio Piet Boon.

Esaki mi a informá e outornan tambe. Ounke ku ta simpel pa kontrolá, nan a laga nan ponensia para.

Follow The Money a publiká un artíkulo ku no tin nada di aber ku investigashon periodístiko. Ku esaki a mancha mi bon nòmber seriamente.

Mi ta mas ku solamente partner di gezaghebber. Mi ta un siudadano i un empresario ku henter mi bida largu a gana mi propio pan. I esaki ta loke awor mi ta hasi, nada mas i nada ménos. Red: E outor, Masoumah Hosseini, a duna e kontribushon di opinion akí na Antilliaans Dagblad den reakshon riba publikashon resien di Follow The Money, un webs-site hulandes independiente pa investigashon periodístiko finansiero i ekonómiko.

Relashoná ku e publikashon, anteriormente Follow The Money a manda un komunikado i di prensa pa otro media.

DI BINTINUEBE DJADUMINGU

SIKLO C

Promé Lektura : Eksodo 17, 8-13
Salmo : Salmo 121, 1-8
Di dos Lektura : 2Timoteo 3, 14-4, 2
Evangelio : Lukas 18, 1-8

Hesus ke rekomendá pa nos resa ku fe i ku konstansia sin nos desanimá pa e momentáneo silensio di Dios

Pa splika ku mester resa semper sin nos desanimá

Maravioso frase di e evangelio di San Lukas. Loke a trese solushonnan anhelá pa míles i miónes di persona den nesesidat tabata di no a kansa di resa, di no a desanimá ni a stòp di resa ku fe i perseveransia. Santa Monica a resa 30 aña largu i a logra kombershon di su teribel esposo Patricio i di su yu hòmbler rebelde ku despues a bira e gran San

Agustin. Ora el a konta un obispu ku el a resa asina tantu aña pa nan, e pastor santu a kontest'é: “Ta imposibel ku un persona pa kua nan a resa tantu, ta bai pèrdí”. I en bèrdat e no a pèrdè.

Sin desanimá. Nan ta yama Santa Rita de Casia Patrono kosnan Imposibel pasobra ora tabata parse ku su esposo kruek ya tabata kondena pa su forma ireparabel i ku su dos yunan hòmbler spantoso tabata sigui e mesun kaminda di perdishon di nan tremendo tata, sin embargo resando pa nan, sin kansa

i desanimá, el a logra kombershon di nan tres. Ta pesei santunan ta afirmá ku orashon perseverante ta debilita di Dios i un poder sin límite pa e kriatura.

E hues. E tal akí tabata típiko empleado di Herodes. Hendenan tabata bisa di dje: “Si bo hiba hopi plaka p, e tabata dediká su mes pa studia bo kas. Si bo no trese plaka, e lo no dediká ni un minüt pa studia bo reklamonan”, Esta un responsabilidad! Dank Dios ku den e tempunan akí no tin klase di huesnan akí. Ohalá ku lo no tin. ‘Pero tin, tin!’

E biuda. Den la mas apolutu pobresa. Kisas su kuñanan a ita loke su esposo a laga pe. E tabata pover i indefenso, i tabata representá esnan ku tabata pasando dor di situashonnan spantoso i teribel



di abandono i miseria

Pero e tabatin un arma poderoso: su kapasidat pa insistí sin desanimá. E propio nifikashon di e gritu di e hues in hustu ta esaki: “**Mi tin miedu di e biuda akí i ku lo mi keda ku wowo blousá despues di un wanta**”. E arma invensibel di tantu hende muhé ta nan insistensia sistemátiko i inkansabel. Por ehemplo e kabesnan di e skolan sa esaki: nan ta nenga un tata e kupo pa su yu i e hòmbler ta bai. Pero a un mama? E ta insistí asina tantu te ora ku nan konsedé e kupo akí.

I Dios lo no hasi hustisia ku esnan eskohí ku ta sklama na dje?

Hesus ke bisa: Si un hues in hustu, na final a hasi hustisia na un pover muhé, pasobra e no ta kansa pa sklama na dje, kuantu mas Dios, ku si ta hustu, amabel i santu, lo duna su yunan tur loke nan mester i lo skucha nan i lo kontestá nan si nan no ta kansa na pidié!

Ta laga nan spera enbano?

No tin orashon ku ta keda sin kontesta. Pero loke si por sosodé tta ku algun be E no ta duna nos loke nos ta pidi, sino algu ku ta bai na ta muchu mas útil ku e loke nos ta deseando. Un tata tin be ta ninga su yu algu ku esaki ta pidi, pasobra e sa na lugá di hasié bon, e por hasié malu (por ej. por hunga ku un arma, òf tuma poko remedi pa hende grandi, etc.) Dios ta asina. Loke no ta kumbiní nos, e no ke dun’é, maske nos ta insistí pa E duna nos.

Tin be e ta demorá, pasobra E konosé i ta mira tempu den su totalidat, i sa perfek-

tamente, ki ora i unda ta mihó konsedé su grasianan i fabornan. E ta esun ku sa, nos ta esnan ku no sa. E ta esun mas grandi, nos ta esnan chikí. Ta pesei semper nos mester aña di na nos orashonnan e fórmula di e orashon perfekto: “**Bo boluntat sea hasi. Pero no loke Ami ke, ma loke Abo ke**”. I esaki semper ta lo mihó.

Den e mundu asina sekularisá akí mester insistí pa nos tur resa hopi. Papa Pio XII a bisa: “Resa ta asina nesesario manera respirá. Sin orashon, e alma ta bira anémiko, fe ta debilitá i egoismo ta apoderá di nos”.

Tin personanan ku nan salu a mehorá hopi ku únikamente respirá bon: profundamente. Tambe algun ta Sali di nan bisio dor di dediká nan mes na resa bon Sin orashon nos ta stek mei mei di nos mal inklinashonnan.

Ta nesesario pa nos yama insistentemente na e Kurason di Kristu. Si nos hasié loke ta para den salmo lo ser kumplí den nos esta: “**Dichoso ta esnan ku ta konfia den Señor**”.

E Beibel Santu (e buki kua San Pablo ta rekomendá awe asina tantu den e di dos lektura) ta e buki ku mas ta konsehá pa dediká bo mes na orashon. San Alfonso a anotá e bianan ku Sagrado Skritura ta rekomendá pa resa i ta keda asombrá na ora di konstatá ku e Palabra de Dios ta insistí dies be mas den e nesesidat pa resa, ku den tur sobra kosnan ku e ta konsehá. Di aki e santu a saka e konklushon akí: “**Hamas nos mester laga un predikashi òf un lès di katisashi pasa sin rekomendá e hendenan pa resa, pa**

Debernán di e katekista:

1. E lo asistí na reunionnan i seshonnan di preparashon programá pa e koordinadó òf e pastor di parokia.
2. E lo ta presente para kada seshon katekístiko ku por lo ménos 15 minüt di anticipashon na e ora programá di inisio.
3. E lo dediká un kantidat apropiá di tempu na planeamentu promé di kada lès.
4. Semper pensa ku den katisashi nos ta laga nan konosé Dios i Su enseñansanan, no nos forma di mira kosnan. Komo katekista nos mester perkurá pa nos kriterio sea semper iluminá pa e Magisterio di Iglesia.
5. Lo bo sigui e forma ekipá den e buki di teksto destiná pa e Diótesis, i lo bo usa rekursanan katekístiko aprobá di antemano pa e pastor di parokia.
6. Lo bo ta kouteloso ku tempu, pasobra e ta eksklusivo pa e katisashi i no pa otro aktividatnan ku ta kai pafó di e plan formativo.
7. Lo bo krea un medio ambiente positivo, kristian, i dirigí na e siñamentu den e klas.
8. Lo bo hasi bo máksimo esfuerso pa gana koherensia, entre loke bo ta prediká i bo moda di bida.
9. Nunka lo bo deskuidá bo papel di tata òf mama, pa rason di e katisashi, p’asina lo bo sa na parti e tempu di e mihó manera. *Katisashi no ta un èksklus pa no ta responsabel den e hogar.* Laga nos kòrda ku mester duna testimonio.
10. Manera ta di spera, bida di e katekista no por ta di forma iregular pa kua e mester kumpli ku e sakramentonan segun Santa Mama Iglesia ta manda.

Katekistanan únikamente lo ta efektivu segun ku nan ta konfia nan mes na Spiritu Santu, ta drenta den komunión kuné i ta permití pa nan bira Su instrumentonan. (NDC 73)

Toyen Frans ta baha den kueba

KRALENDIJK – Desde djasabra último ta pasando un programa 'Aki Boneiru' interesante na Bonaire.tv. Awe djaluna pa 9'or di anochi e programa aki ta ripiti pa último bia por lo pronto.

E ekipo di FuHiKuBo ku ta traha riba dokumentashon di tur loke tin di aber ku kultura, historia i naturalesa ta hasiendo grabashon den Bolivia.

Den kuadro di especialmente naturalesa ta ponien do hopi atenshon na e área di Bolivia. Ta subiendo e

tereno di Bolivia pa hasi grabashon di áreanan ku den futuro lo dispersé ora ku kuminsa desaroyo di e tereno aki pa konstrukshon di kas. Bistanan bunita lo bai pèrdi pa semper.

Aparte di paisahenan bunita i úniko, ku e doño aktual di Bolivia a deskribí den un entrevista ku prensa hulandes entre otro komo "een kaalgevreten gebied door geiten", tin basta kueba. Toyen Frans konosé algun di nan. Toyen konosé Bolivia hopi bon. El a siña konosé Bolivia huntu ku su

tata Buchi (92).

Durante e programa 'Aki Boneiru' ku ta pasa awe djaluna anochi Toyen ta baha den un kueba huntu ku lider di proyekto di FuHiKuBo drs. Emma Pratt i kamarógrafo Anneke Jansen.

Mas aleu Toyen Frans ta demonstrá kon ta kue yuana ku chincha. Algun ratu despues su ruman muhé ta kushiná e yuananan ku kue.



Germine Ramackers - Frans

Kambio di nòmber i mudansa

KRALENDIJK – E anterior skol di baile 'Dance Sensation Bonaire' a muda di Kaya Italia pa Kaya Amsterdam. Alabes e skol a kambia di nòmber pa 'School of Performing Arts Bonaire', abreviá komo SPAB.

Diestres aña pasá Angèle Cicilia a habri 'Dance Sensation Bonaire'. Durante e periodo aki e skol a bira hopi konosí. Aparte di duna lès di baile e alumnonan di e skol aki a duna hopi presentashon durante e 13 aña ku a pasa.

“Bebe bira bon”

KRALENDIJK — ton Slagba-ai National Park. Título di e buki ta ‘Bebe bira Bon’. De Jongh-Rekwest komo eskritor a splika to-



kante su buki i a dedik’é na su tata.

“E buki ta importante pa lesa i siña for di dje. Bebe te di yerba pa keda bon, òf bira bon. Meta di e buki ta pa siña konosé loke ántes tabata hasi pa kura hende òf mantené nan salú stabil. Ántes i awor hende ta bebe te di yerba. Por planta e yerba na kas. Ta bon pa disfrutá di un te den grupo, kombersá i distraí.”

E eskritor a elaborá tokante e buki i e balor di yerba komo remedi.

Cargill Boanire a spòns-er e buki aki. “Mas hende



ANUNSIÓ

Mediadó di BES

Kralendijk, Boneiru
17 di òktober 2022

Mediadó di BES ta partisipá ku riba **22 di òktober 2022** ta tuma lugá un referèndum bou di trahadónan di **Divi Flamingo Resort Bonaire**. Meta di e referèndum ta pa determiná kua sindikato lo keda apuntá pa mayoria di e trahadónan pa representá nan.

Un yamada ta bai na e trahadónan pa partisipá na e referèndum aki.

Orario: 1’or - 4’or di atardi
Sitio: Sociale Zaken en Werkgelegenheid (SZW)



haña e buki, mas bon ta pa mas hende sa di nos kultura”, Daniel Deanda a bisa. E ta asistente di mèneder di e kompania.

Pader Ivan Dario Perez Gomez, tambe tabata presente i a hiba algun palabra. “Dios a krea tur kos. Ta na e hende awor pa hasi bon uso di nan. Yerba pa traha te ta un di nan. Bon loke Denise ta hasi. Tur kos tei danki na Dios.”

Madrina i padrinu di e buki ta Letisia Thielman-Beaumont i Onnie Emerenciana. E madrina a splika tokante diferente yerba esencial. Emerenciana na su turno a bisa: “Ántes tabata

usa yerba pa sierto malesa pa kura hende. Ta bon pa stimulá hende pa bebe i bira bon ku e yerba.”

E konosido George (kultura) Thode, tambe tabata presente i a papia ku alumnonan di Integrale Kind Centrum (IKC). El a splika nan tokante yerba i a entregá pida yerba, pa nan sera konosí kuné.

A hasi entrega di e buki tambe na un representante di Biblioteca Público Boneiru. Na final di e aktividad, a entregá buki na tur mucha di IKC.

E fotonan ta duna un impreshon di e aktividad aki.



‘Thrift Shop’ di Krus Kòrá habrí

KRALENDIJK — Shop’.

‘Thrift Shop’ di Krus Kòrá ta habrí tur djasabra 9or di mainta pa 2or di atardi pa esnan ku ta deseá pa kumpra algu. Nan ta ofresé paña, kèts, slòf i diferente kos mas.

Gran mayoria di artíkulo ta kosta solamente 1 dòler. Tur hende por pasa nan wak i konta otronan, kiko tur por kumpra na e ‘Thrift

Algun eksepsyon tin, pero mayoria di loke tin pa bende, ta kosta un dòler. Tin kos pa hende hòmer, muhé i mucha di tur edat.

E artíkulonon ta nèchi surtí den rèki, di manera ku un hende por topa fásil ku loke e ta buska.

Meta di Krus Kòrá ta pa sirbi komunidat. Aruba, Kòrsou, i Boneiru su Krus

Korá, ta kai bou di mésun organisashon mama. Na Boneiru ta traha den union ku otro organisashon, ku ta

bende artíkulo na super bon preis.

Si un di nan no tin loke un hende ta buska, nan ta

konsehá otro, na unda si, por kumpra e produkto. Riba potrèt e Thrift Shop di Krus Kòrá algun dia pasá.



Krus Kòrá Bonaire



Aimed Ayubi a topa Abraham

KRALENDIJK--Fin di siman pasá djabièrnè, konosido doño di Radio Live 99.9 FM, a kumpli e bunita edat di 50 aña. El a topa Abraham).


Durante e dia el a risibí kantidat di felisitashon, sin sa kiko tabatin planiá p'e anochi. Su señora Marichelle Bosnie, a prepará un anochi pe na Sorobon, planiando tur kos ku koleganan di trabou i algun otro persona.

Anochi a sera i Marichelle, a tapa kara Aimed i

a kore bai kuné na e bich, kaminda invitadonan tabata sper'e. Momentu a yega aya, a kita e paña for di kara di Aimed, el a keda hari so.

El a bisa, e tabatin un sospecho, pero no por a kapta loke tabata na kaminda pe. El a pensa kisas Marichelle, ta bai un hotèl i nan ta bai pasa wikènt. E motor tras di e plan tabata sofistiká, loke Aimed no por a kapta pa sa kiko ta sosodiendo, manera momentu e ta investigá su 'Breaking News'

nan. Esaki si a sake fo'i base kompletu. La haña. El a keda kontentu i tur hende a gosa un bo e anochi. Riba potrèt, entre otro momentu ku Marichelle, a smer bolo den Aimed su kara, durante e programa na radio live, Brunch 99 djabièrnè



Immigratie- en Naturalisatiedienst
Ministerie van Justitie en Veiligheid

OFISINA IND BONEIRU SERÁ TEMPORALMENTE

En konekshon ku training pa personal ofisina di Imigrashon i Naturalisashon Hulanda Karibense (IND CN) na Boneiru lo ta será for di **djaluna 24 te ku djaweps 28 di òktober**.

Durante e periodo aki ofisina ta alkansabel via telefòn di **8or di te ku 10or di mainta**.

Servisio regular lo reanudá **djaluna 31 di òktober**.

Arthur Sealy:

A skohe pa demokrasia di likidashon

KRALENDIJK – Arthur Sealy ta sinti ku demokrasia parlamentaria na Boneiru a skohe na e reunion maratóniko di direkshon di demokrasia Konseho Insular, ku segun palabrashon no ta dura mas

Algun persona konosí na Zòzò



Un reportero di BONERIANO a tuma nota di un grupo di persona na Zòzò Ranch. Ta trata di karanan konosí den komunidat. Entre otro e lider polítiko di Demokrat, Clarc Abraham, tabata presente. Si e tabata guiando e grupo, -no- tin konfirmashon riba esei. Echo ta, e no tabata sinta na kabes di mesa. Kisas ta simplemente nan tabata disfrutá di e dia, poko alehá for di hendenan di tur dia. Ta notabel nan tabata den un super bon harmonia, na bientu fresku i nan a sisti e stoma.

largo ku diesun or di anochi, a akseptá un moshon, sostené pa koalishon, pa investigá violashon di integridat di parti di gezaghèber. E moshon tin seis konsiderashon di kua esun number unu ta papia di sierto spekulashon tokante funshonamentu i integridat di gezaghèber. Puntonan dos i tres ta mostra ku komportashon di gezaghèber mester ta meskos ku komportashon di e otro mandatarionan.

Sealy: “Mi pregunta, tur e tres diputadonan semper a funshoná a base di integridat ku por papia di kredibilidat i kalidat di maneho ku mester ta un ehèmpel pa Gezaghèber. Pues bon gobernashon.”

“Punto kuater ta papia di konfia sin mas integridat di nos gobernashon. Dikon sin mas, pueblo no tin mag di duda den komportashon di e otro mandatarionan sino solamente riba esun di Gezaghèber?”

“Punto sinku ta trese dilanti ku kada señal di

violashon di integridat por ta un gòlpi pa maneho di Bonaire. Rapòrt CrmLink, mediashon, rapòrt tokante Rotònde, asuntunan di pèrmit, asuntu di sinku piso i Chogogo nan no tabata un gòlpi pa maneho di Bonaire?”



Di akuerdo ku Sealy, ta solamente e artíkulo di FTM (Follow the Money), desbaratá pa Gezaghèber i un otro persona i rektifikashon di e mes FTM, tabata un gòlpi pa maneho di Bonaire. “Pa ami e moshon ta misterioso pa motibu ku e no ta demostrá solidaridat ku Gezaghèber ni ta yuda, kuida i protehé funshon di Gezaghèber kontra spekulashon.”

Sealy ta sinti, (“Ohalá mi ta robes”) ku demokrasia parlamentario na Bonaire a kue un rumbo di demokrasia di likidashon. Tin víktima kaba i nan ta eks direktor di Bonlab, eks direktor di Salubridat Públiko i pronto trahadónan di Bonlab ta na burt.

MONCHI & TONCHI

Tonchi, nos amigu Far a bira rei. WEB a rekonosé resientemente esaki debí ku e ta biba den kastel.

Sí, asina mi a komprondé. Mi ta keda straño kon dia nan a nombré nan no a invitá prensa.



KOLOFÓN

Editor Bonaire
Communication
Services N.V.
Kaya Irlanda 12,
Tel. 717-8482

E-mail:
extrabon@gmail.com
Wèpsait:
www.extraboneiru.com
Facebook: Extra Boneiru

Direktor
Shirley Martis
785-3824
796-3824

Hefe di redakshon
Nathaly
Evertsz-Ipcedencia

Redakshon
Papi Antoin
Davienuska Janga
Velli Gijsbertha
Edson Pietersz
Ibi Piar (deporte)

Partner na Aruba
Awe Mainta

Partner na Kòrsou
Extra

Layout
Davienuska Janga
Gairo Frans
Maya Beaumont

Konsehero:
Bòl Antoin
786-6818
Aviso
avisobon@gmail.com

KASONAN INSÓLITO

Preis rekòrt pa djins 150 bieu

KRALENDIJK -- Un djins di kasi 150 aña bieu, a keda bendé den findishi den e estado di Colorada na Merka pa un preis rekòrt di kasi 76 mil dòler.

Nunka anterior a paga asina tantu pa un djins.

E djins di Levis ta for di añanan 80 di siglo 19, 1880 òf mas despues pues. Algun aña pasá un persona ku ta yama su mes arkeólogo den djins, a haña e djins bandoná den un mina di

oro bandoná den wèst di Merka. Ta trata akí di un di e djinsnan di mas bieu ku ta eksistí na mundu.

Djins tabata popular bou di mineronan.

Nan tabata bisti djins komo paña di trabou pasobra e djins tabata resistente kontra trabou pisá.

Esaki a resultá tambe, ku ounke e edat haltu di e karson, ainda e ta den bon estado.

Sí realmente a traha

duru, e skernan ta testigu di esaki.

E koló blikia i e drùpelnan di manteka di bela riba henter e karson.

Na promé bista, e karson no ta diferensia muchu for di e djinsnan moderno, pero esun ku mira mihó por mira ku e karson ta konsistí di solamente un en bes dos saku patras i boton riba e sitio kaminda normalmente tin e partinan kaminda e faha ta pasa.



E hòMBER mas haltu di mundu

KRALENDIJK – Aki na mundu nos tur ta úniko. Bo tin diferente tipo di hende ku diferente kualidat. Asina tin hende ku ta ekselente ku nan karakteriskanan eksterno. Pensa riba un hòMBER òf muhé ku un nanishi largu apnormal. Tur ta kaso ku bo por topa kuné. Esaki ta e kaso tambe di Sultan, e ta e hòMBER di mas haltu na mundu.

Manera bo mes por mira, Sultan ta un hòMBER turko ku ta biba na frontera ku Siria i ta asina largu ku e no por drumi normal riba un kama. E no ta pas den un outo normal i kompará ku un hende normal, e ta un gigante.

Un persona ku a tende di e storia, a bira kurioso i a disidí di bai riba youtube pa buska Sultan. E tabatin

diferente pregunta riba kua e tabata ke kontesta. Algun di preguntanan akí tabata ken realmente Sultan ta, kon bini e ta asina haltu i kon e mester di un garoti momentu ku e ta kana.

E storia

E persona ku tabata en buska riba youtube finalmente e haña kontesta di su preguntanan. Riba e

pregunta di kon e ta asina haltu, el a bin deskubrí ku Sultan tabatin un tumor na su kabes. E tumor akí a sòru ku el a sigui krese. Aktualmente e tin un largura di 2.51 centimeter i esaki ta un largura di dos personal normal huntu.

Pa bisti, Sultan tin mester di paña spesial. Mas aleu e tin un sapato spesial i tambe un pèn spesial. Loke

sigur mester menshoná, ta ku Sultan ta un persona rekonosé pa Guinness Book of World Records komo e hòMBER mas haltu na mundu. Dor di esaki el a bira popular i a biaha rònt mundu.

E hòMBER di mas haltu ta hopi grandi na estatura, pero tin un kurason hopi grandi.



DEPORTE

Xianeesha Oleana, tremendo atleta

KRALENDIJK--Fin di siman pasá Xianeesha Oleana a pone drama den stadion na Playa. E damsita aki a bai ku 5 medaya durante kompetensia organisá pa Instituto di Deporte Boneriano (INDEBON). Muchanan di skol di diferente edat a tuma parti na e kompetensia, ganadónan ta

forma parti di e selekshon di Boneiru, pa weganan eskolar interinsular.

Pues pronto por mira Xianeesha na Kòrsou den kompetensia. Su tata ta Shahairo Oleana, i un reporter di BONERIANO a papia kuné, pa tende ken ta e yu.

Mi yu Xianeesha Oleana

tin 7anja di edat i e ta praktiká e deporte di Atletik. For di momentu e tabatin 6 aña di bida, el a kuminsá praktiká e deporte atletik serka Sv. Athene. For di yùli 2021 te 2022 yùli, Xianeesha a kompetí 4 biaha. E promé tabata na Kòrsou aña pasa kaminda ku el a gana 4 medaya di Oro, e siguiente ta di Sv Athene, kaminda el a gana 1 medaya di Oro. E di 3 kompetensia ta di INDEBON, kaminda el a gana 2 medaya di Oro i 2 plata.

E último nos a skohe pa bai purba na Hulanda i einan el a sali na di 2 lugá. Awor Xianeesha tin 7 medaya di Oro i 3 Plata. Nos komo mayor famianan ta hopi kontentu i lo sigui pusha pa Xianeesha logra mas. Danki na Dios i tur ku a sostené Xianeesha. Hopi Bendishon pa boso, awor nos ta bai prepará mas mihó pa nos sigui.

Pues no tene miedu pa purba bo yu, paso nos muchanan tin talento i ta nos tin ku yuda nan pa logra loke nan tin na tal-



ento.” Esaki ta loke tata di Xianeesha a bisa, ku resilientemente a bai ku 5 medaya den kompetensia den stadion. Sigur Boneiru tin

tremendo atleta i e damsita aki a demostrá ku e no ta hasi wega den korementu. Chikitu na estatura, grandi den velocidat na pia.

KÒRSOU

Parlamento a reuní riba dekolonisashon

WILLEMSTAD—Djaweps último, Parlamento di Kòrsou den un reunion públiko a deliberá ku Minister Presidènt riba e tema di dekolonisashon di Kòrsou. Miembronan di Parlamento sr. Rennox Calmes, Michelangelo Martines i sr. Gilbert Doran, ta esnan ku a hasi petishon pa e reunion. Durante e reunion miembronan di Parlamento a hasi vários pregunta na Minister Presidènt sr. Gilmar Pisas riba e posishon di Kòrsou den Reino Ulandes i tur desaroyonan ku

tin riba nivel di Reino pa ku e tema Dekolonisashon di Kòrsou. Na final di e

promé tanda Minister a pidi pa skòrs e punto di agènda

aki pa asina e por tin tempu pa prepará e kontestanan. A

skòrs e reunion pa tempu indefiní.



Barku anterior tin rèkòrt den kaptura di droga

Zr.Ms. Holland barku nobo den área di Karibe

WILLEMSTAD – Zr.Ms. Holland ta bira e barku di stashon nobo den region di Karibe. E barku di marina aki a drenta haf di Kòrsou djasabra. Na mes momentu e barku di pa-

truya aki a tuma e tareanan over komo barku di stashon di Zr.Ms. Groningen, ku a establese rèkòrt pa loke ta trata intersepsionnan di droga. Zr.Ms. Holland lo permanesé 7 luna den re-

gion di Karibe.

Marina Real semper tin un barku di stashon den region di Karibe ku ta usa entre otro den operashonnan anti-droga, anti-kontrabanda di hende, tareanan

di búskeda i reskate riba laman i asistensia di emergensia durante desasternan natural, manera temblor i orkan.

Por hinka e barku den operashon tantu pa Wardakosta di region Karibe komo pa e relashon di koperashon yamá 'Joint Inter-agency Task Force South'.

Zr.Ms. Groningen mientrastantu a regresá Hulanda den su haf di kas Den Helder. E barku desde mei 2022 tabata disponibel pa un kantidat grandi di tarea di Karibe, pero a optené mayoria di resultado riba tereno di kontrabanda ilegal di droga.

Nunka anterior un barku di Marina Hulandes a logra

asina tantu intersepsion di droga durante un periodo ku e tabata den operashon den Karibe. Na total e barku aki a interseptá 17 transporte di droga konsistiendo di 15.600 kilo total di kokaina i riba 3.500 kilo di mariwana. Ku e intersepsionnan aki Defensa a propiná negoshi di droga un gòlpi duru. E aña aki e konteo di intersepsionnan di droga ta pará na un total di 23.000 kilo.

Awor Zr.Ms. Holland a tuma tareanan di e barku di stashon Zr.Ms. Groningen over. Maria Real ta traha huntu ku un kantidat grandi di pais den region di Karibe den operashonnan pa kombati tráfiiko di droga.



Komishon Sentral di Parlamento a deliberá riba transporte pa skol

WILLEMSTAD - Djabièrnè dia 14 di òktober Komishon Sentral di Parlamento di Kòrsou a reuní ku Minister sr. Sithree

van Heydoorn, representanten di e Kompania di Transporte Públiko (ABC Busbedrijf), shofùrnann ku ta transportá mucha i sin-

dikato SITEK. Komishon Sentral di Parlamento a haña un presentashon amplio di tantu e organisashon sindikal SITEK i shofùr-

nan. Despues miembronan di Parlamento a hasi preguntanan di vários ángulo pa ku e retonan ku sektor di

transporte ta konfrontando. Den e próksimo reunion lo kontesta e preguntanan.



STATIA/SABA/ST. MAARTEN

Pa kombatí subida kosto di kuminda

Akuerdo ku Repúblika Dominikano

ST. MAARTEN – Minister di turismo i asuntunan ekonómiko, transporte i telekomunikashon, **TE-ATT**, Omar Ottley, aktualmente ta na Repúblika Dominikano pa atendé e di 28 konferensia anual di Florida - Caribbean Cruise Association (FCCA). Aparte di e konferensia ku ta basá riba turismo krusero, e minister ta haña hopi importante pa establese un akuerdo di agrikola ku e pais pa krea un merkado lokal di produktonan di agrikultura.

Minister Ottley i su delegashon di su ministerio a topa ku minister di asuntunan eksterior i pa asun-

tunan ekonómiko i koperashon internashonal, Hugo Rivera Fernandez i su representantenan, pa papia tokante proveé St. Maarten ku produktonan agrikola.

E minister a mustra su preocupashon di e kapasidat di sufisiente kuminda natural pa e poblashon, miéntras e ta un ophetivo vital pa maksimalisá e potensial di St. Maarten. Na e momentu akí e pais ta konfrontá kosto haltu di kuminda debí na e inflashon global haltu.

Di akuerdo ku minister Ottley, un punto di diskushon crítico tabata pa sigurá ku Repúblika Dominikano ta komprondé e nesesidat

pa produsí kalidat haltu pa ku ta kuadra ku standardnan internashonal.

Aktualmente Repúblika Dominikano ta un di e eksportadónan di mas grandi den nos region. E akuerdo di produkto agrikola ta hasi posibel pa baha e kosto di produkto na St. Maarten pa aproksimadamente 15 pa 20 porshento.

Na su regreso, e ministerio lo kuminsá diskushon ku partnernan lokal den supermarket, benta por mayor i menor, pa determiná e nivel di interes den importashon di produktonan for di Repúblika Dominikano na preisnan kompetitivo pa rebendé.



Entrega yabi Low Estate Belvedere

ST. MAARTEN – Habitantenan di e edifisionan A i B di Low Estate Belvedere, dia 11 di òktober a risibí yabi di e nan apartamentu durante un ser-

emonia atendé pa minister di VROMI, Egbert Doran i e fundashon di desaroyo di bibienda di St. Maarten, SMHDF. A entregá 16 yabi markando finalisashon di e

promé dos edifisionan di e proyekto.

Durante e seremonia minister Doran a bisa: “Mi ke gradisí e partnernan enbolbí, ministerio di VRO-

MI, SMHDF i NRPB, pa nan esfuerso pa hasi esaki un realidat. Tambe mi ke gradisí tur ku a kontribuí di kualke manera òf otro pa realisá e proyekto.

Tambe mi ta rekonosé e kompanianan di konstrukshon i nan staf ku a kontinuá pusha pa dilanti pa asina nos tin e kasnan kompletá.”



OM a pidi prizon y TBS pa homber cu a mata su tata

ORANJESTAD -- Jason Mathilda tabata den Corte diabierna pa di dos asesinato cu el a comete den su bida. E prome tabata rond di 15 aña pasa ora cu el a hinca un homber den su garganta dilanti Bam Bam Café. Y awo e tabata den Corte pa mata su tata Eugenio Mathilda dia 13 di december aña pasa. Dia 4 di november awo e acusado di 32 aña lo haya su sentencia.

Por nota cu e acusado ta un persona cu no ta preocupa kico otro hendenan ta pensa di dje. E ta admiti di ta uza marihuana, pero pa e por drumi anochi. Pero e ta contra e hecho cu su tata, un homber di 54 aña ta uza droga (piedra). Hustamente su uzo di droga tabata un di e puntonan di discusion

riba 13 di december ultimo. Ademas, e hecho cu el a horta un boter di whisky na un fiesta cu nan a bay pero cu a finalisa cu morto di Eugenio.

Despues di discusion, den e apartamento unda cu e tabata keda temporalmente cerca su tata, el a sali pafo. E ta bisa pa busca su arma y warde paden, mientras testigonan ta bisa cu el a bay na careda na su auto, despues di a lansa menasa contra e tata.

Loke a pasa despues ta conoci pa tur hende. El a uza e arma contra su tata y e tiro cu a drenta bou di e brasa robes, a resulta fatal. Rond di 2'or di marduga e tata a fayece, cu su 54 aña. "Tur hende sa cu ami ta loke mi tata a haci mi," re-

firiendo na e hecho cu e ta asina pasobra asina su tata a siñ'e pa ta. Un arrepentimiento real e no a mostra. Aunke cu el a pidi disculpa na famia, pero na mesun momento ta bisa cu esaki lo no yuda pa trece su tata bek na bida. E no a mostra mucho interesa pa ayudo, pero si nan pone cu e mester sigui tratamiento, e lo hacie.

E mes ta bisa cu e ta un persona di anda den hopi hende. "Mi ta gusta ta mi so y p'esey mi ta hopi den mondi."

Cu su mama e tabatin contacto y su wela e por corda cu el a bishita dos biaha aña pasa. "Mi sa cu mi a haci malo y mi por haya un castigo di 20 aña. Sinembargo net mita di



esey (10) ta loke fiscal a pidi contra dje. E fiscal a basa su mes riba sugerencia di profesionalnan, kendenan a traha rapport y a bisa cu e homber di 32 aña mester di tratamiento. Dun'e un castigo pero yud'e tambe.

E TBS ta un castigo mas pisa cu e castigo di prizon mes. E sa ki ora e ta drenta un instituto, obligatoria-

mente, y manera e cancion "Welcome to Hotel California" ta bisa: You can check out any time you like, But you can never leave". E por bandona e instituto ora cu henter e team dicidi cu e ta apto pa drenta sociedad bek.

Dia 4 di november awo tin sentencia den e caso aki.

En conexion cu reunion den Parlamento riba e tema di frontera cu Venezuela:

Porcentahe petitionnan cu ta aproba pa asilo ta hopi abou

ORANJESTAD - Un tema hopi importante cu Prome Minister Evelyn Wever-Croes a elabora riba dje diaranson mainta durante e reunion publico den Parlamento, ta e maneho di Asiel Unit y a duna di conoce cu na Aruba e porcentahe di petitionnan cu ta wordo aproba ta hopi abou.

Aruba ta aplica e tratado di refugiado 'Europees Verdrag voor de Rechten van de Mens (EVRM). A base di e tratado aki, un asilo politico ta ora un hende cu pa motibonan politico ta teme pa su bida. Mayoria di hende cu ta bin Aruba ta bin pa motibonan economico. Na Hulandes e terminologia ta "economische vluchtelingen". Anto e ora ey e trata-

donan aki no ta esun cu ta duna nan proteccion.

E porcentahe di petition pa asilo ta relativamente abou, pero e ta fluctua tambe depende di e situacion. Por ehempel na aña 2017, 11% a wordo aproba. Pero na fin di dia e personanan cu a pidi y a haya derecho riba asilo a warda asina tanto, cu nan a dicidi di bay otro pais. Den e caso aki nan a bay Colombia caminda cu nan a 'settle' y e petition y aprobacion no a concretisa.

Na aña 2018 e porcentahe tabata 1.9%. Na aña 2019, 2%. Na aña 2020 no tabatin ni un cu a wordo aproba y na aña 2021, 3%. Na aña 2022 te ainda 1.6%. E averahe ta varia rond di 2% cu ta un averahe hopi

abou.

Secretario di Estado di veiligheid di Hulanda, cu ta encarga cu e aspecto di asilo na Hulanda, durante su bishita na Aruba a indica cu na Hulanda e porcentahe ta mas halto. Esaki ta pasobra cu na Hulanda hendenan di Siria y Ukraina ta pidi asilo. El a indica tambe cu si den caso nan mester haya un grupo grandi di Venezolano na Hulanda, tambe e porcentahe lo ta igual cu esun na Aruba.

"Mi ta haya esey importante pasobra tin organisacionnan internacional ta midi nos riba e cantidad di asilo cu nos ta duna. Pero Aruba ta afilia na e tratado di EVRM, nos tin sistema di asilo, nos tin procedura

di asilo y a base di e procedura nos tin cu actua e ora", Prome Minister a remarca.

Un otro preocupacion cu tin tambe ta e desaroyonan geo-politico. Na e momento cu frontera habri, ta spera tambe cu e cantidad ta bay subi atrobe y e trabou ta bira pisa pa 12 persona y talves si redobla 12 pa 24 persona, asina mes lo no ta suficiente. Asiel Unit ta trahando tambe den un sistema automatiza caminda na un manera live por haya mas informacion.

Un di e proposicionnan cu a wordo haci tambe, ta pa purba independisa e Asiel Unit, pasobra e realidad ta cu ta bay keda cu e problematica di asiel pa hopi aña ainda. Y door di tin'e

como un sub-afdeling bou di Dimas, talves, e mester haya su luga separa y asina talves tambe por pone mas atencion na dje.

"E tema di asilo ta un tema hopi delicado pero mi ta kere e ta importante pa Parlamento ta na altura di e situacion y maneho di Asiel Unit. Gobierno ta trahando hunto cu e Asiel Unit pa hunto mira kico ta locual mester haci pa aumenta e cantidad di casonan cu por atende. Hulanda ta dipuesto pa yuda aki.

Esaki ta un reto cu mester atende lihe pa Asiel Unit haya mas personal", Prome Minister Evelyn Wever-Croes a duna di conoce.

ARUBA

Diesun aña pidi pa intento di mata polis

ORANJESTAD -- Fiscal di husticia a existi un castigo di prizon di 11 aña contra e sospechoso. di 25 aña di edad, cu ta wordo acusa di un intento homicidio di un agente policial di rango brigadier di Cuerpo Policial di Aruba. Riba

prome di mei 2022, e sospechoso K. a dicidi durante un control di polis pa ranca sali bay cu su auto diripientemente y cu velocidad halto, caminda el a lastra e agente policial casi 100 meter y a bay riba un palo di luz.

E agente policial di 31 aña di edad a resulta gravemente herida den e caida y boksmento cu e palo di luz. E sospechoso a sigui core bandona e sitio. Mas despues a haya banda di e auto un arma di candela. Banda di posesion di e arma aki ta

acusa e sospechoso tambe di a menasa dos persona na un sitio nocturno e mes anochi ey cu un arma di candela. Ministerio Publico ta tuma e sospechoso sumamente na malo cu el a comete violencia contra un agente policial. Trahadonan

di ayuda manera polis mes- ter wordo juist proteha contra tur forma di violencia. Sigur den un caso manera esaki cu no tabatin ningun motibo pa violencia, fiscal a bisa. Corte lo dicta sentencia riba 4 di November pa 8.15'or di mainta.

Trekkernan di tareanan di Landspakket

A informa Parlamento riba cada tarea di ehecucion

ORANJESTAD -- Dia- bierna 14 di october, Prome Minister Evelyn Wever-Croes tawata na Parlemen- to hunto cu e trekkernan di tareanan di e Landspakket. Cada trekker a informa di kico ta e tareanan di ehucion cu ta wordo haci den nan area den e Landspak- ket. Prome Minister a presenta cada trekker y e area cu cada un a presenta.

Dia 13 di November 2020, casi 2 aña pasa, Go- bierno di Aruba a firma un onderlinge regeling cu Hulanda na unda a haci palabracionnan riba refor- manan cu tin cu tuma luga. E pandemia a dal Aruba duro pero pa nos sali di dje nos mester sali mas fuerte y mas resiliente. “Nos no kier solamente ‘bounce back’ caminda nos tabata pero

nos kier ‘bounce forward’ y tin un economia asina mas fuerte y asina un pais mas fuerte”, Prome Minister a expresa.

Gobierno a palabra cu Hulanda cu lo bay traha cu 8 area di reforma anto ta parti esaki den uitvoering- agenda. Cada kwartaal ta bay tin uitvoeringsagenda nobo na unda ta indica cada area kico ta e tarea pa e kwartaal ey. Gobierno ta comprati esakinan cu Par- lamento.

Cada kwartaal Gobierno ta traha cu un uitvoerings agenda y despues ta bin un uitvoeringsrapportage riba con Gobierno ta ehecuto- tando cada tarea. E uitvo- eringsrapportage ta manera un tipo di rapport cijfers den colornan, y e colornan ta mas tanto berde. E berde

den sentido di luz di trafico ta indicando cu nan ta bay- endo bon. Awor si Aruba a cuminsa mira cu tin un poco mas oranje y cora cerca nos tambe y esaki pa motibo cu ta mesun hen- denan cu ta trekker di tar- eanan di Landspakket, tin cu haci tur cos cada biaha y haci nan trabounan diari- amente tambe.

A presenta den Parla- mento un total di 13 per- sona cu a hiba palabra. Sra. Indra Zaandaam ta ‘pro- cess bewaker’ di ‘Tijdelijke Werk Organisatie’ di parti di Aruba. Indra ta esun cu ta papia y comunica cu Hu- landa y ta trek e proceso aki.

Di e 8 temanan cu tin den e Landspakket, sr Pang di CAD a hiba palabra riba Thema A cu ta e parti di fi-

nancieel beheer. Sra. Hel- der di CBS tambe a splica e tareanan di Thema A y Thema A2 cu ta Kosten en effectiviteit publieke sec- tor. Sra. Omaira Lares a hiba palabra riba e tema di personal. Pa loke ta Thema C cu ta Belastingen, no tawata por tawata presente pero sra. Zaandam a pre- senta Thema C. Sr. George Croes di DWJZ a hiba pal- abra riba Thema D, Finan- ciele sector. Economische hervormingen ta un tema grandi y a partie den 4 area y a wordo presenta pa sra. Glendeline Croes di Min- isterie di Labor; sr. Adriaan Fraser di Ministerie di Husticia; sra. Yvonne Lee- Perez di DAO; y sra. Maria Dijkhof – Pita di Econo- mische Zaken. Thema F ta e tema di zorg y a wordo

presenta pa sra. Arleen El- lis.

Riba Thema G ta Onder- wijs, sr. Jhon Hessen di Inspectie Onderwijs a hiba palabra.

Thema H, Versterken van de reschtstaat a wordo parti den dos y presenta door di sr. Edson Jacobs y sr. Herman Franssen.

“Mi ta gradici cada un di e personanan aki y esnan cu ta yuda nan. Lanspakket no ta un cos cu nos por haci di un, dos y tres y no ta un hende so ta haci y e simple hecho cu nos tin 13 hende cu a hiba palabra den Parla- mento di con r Landspakket ta hinca den otro, ta mustra e complehidad y e seriedad cu nos ta mustra”, Prome Minister a duna di conoce.



DEPORTE

Rincon Judo Club ta kumpli 48 aña eksistensia awe

KRALENDIJK--Awe djaluna 17 di òktober 2022, e klup di yudo di Rincon ku ta Rincon Judo Club ta hasi 48 aña di eksistensia.

Awe pues ta rekordá e echo ku 48 aña pasá e klup di yudo aki a lanta na Rincon.

E motor tras di esaki ta e yudoka sr. George Kroon ku durante e 48 añanan ku a transkurí, a krea masha masha hopi yudoka ku no solamente aki na Bonei-

ru a representá e barío di Rincon i Boneiru aki na kas mes, pero tambe den eksterior, entre otro na e islanan ruman Aruba, Kòrsou i Isla Riba, tambe mas leu den eksterior.

E klup di yudo aki di Rincon a hasi masha masha hopi bon papel den ekesterior, momentu ku e klup a sali pa representá Boneiru.

E klup di yudo aki ku Sensei George Kroon na kabes, a krea masha masha

hopi yudoka na nivel haltu pa nos isla.

Di nos parti palabranan di felisitashon i pabien na e direktiva, entrenaónan i yudokanan di klup di yudo aki di Rincon.

Éksito i tur kos bon pa nan tur den futuro.

Un pabien na e direktiva, entrenadónan i yudokanan di e klup di yudo aki.

Eksito i tur kos bon pa futuro.

Mastertouch vs The Untouchable

KRALENDIJK - Despues ku promé buelta kampionato 2022 di biliart bola-8 pa ekipo a finalisá siman pasá, e kampionato ta sigui mañan djamars mitar di ocho anochi den sala di biliart di Kompleho Deportivo Jorge Nicolaas na Kaya Amsterdam.

Pa mañan djamars ta enfrentá otro den promé partido di e di dos buelta, e ekipoan Mastertouch di

Kaya Nikiboko Sùit i The Untouchable di Antriòl Pariba.

E partido aki ta primintí di bira otro tremendo partido di e kampionato ya den su di dos buelta.

E ekipo ku hunga mihó lo gana e partido.

Nos ta deseá e ekipoan aki den e promé partido di e di dos buelta tur, pero tur klase di éksito den e kampionato.

Yu siguiendo paso di tata

KRALENDIJK — Bray-aenne Saragoza, yu di Brayon (Batata) Saragoza, ta sigui den pasonan di su tata. Djaweps 13 di òktober último tabatin kompetensia di muchanan di skol organisá pa Instituto di Deporte Boneriano (INDEBON).

Ta trata di korementu di 60 i 400 meter. Di e manera aki, esnan ku gana, ta forma parti di e selekshon di Boneiru pa weganan eskolar interinsular. Pues e muchanan ku gana ta bai Kòrsou pa kompetí. Promé ku esei awor nan ta sigui ku

treinen pa nan ta stabil i pa duna bon kompetensia.

Bray-aenne ta yu di Brayon i Sandra.

Aparte di ta e yu mas grandi Bray-aenne, Tyronnie, ta un di e tres yunan di e famia menshoná, ku tambe a kompetí den kore-

mentu. Pues nan a lanta ku e ambishon pa korementu meskos ku nan tata.

Nan tata ku ta konosí na Boneiru komo Batata. Tempu ku e tabatin 8 pa 10 aña e tabata un tremendo koredó. Na vários okashon e tabata kompetí den kareda di pia organisá pa COM-CABON i lapi tur hende, manera ta bisa. Un kompai kurpa chikitu, delegá, otro

muchanan e tempu aya no por a mantené e spit haltu ku a tabatin. Awor su yunan ta sigui su pasonan. Kisas nan no tin e spit ku e tata tabatin, pero nan ta basta brabu, sigur esun mayó. Riba potrèt e yunan, mayor i un potrèt kaminda Bray-aenne(#50), tabata bulando den Stadion di Playa e siman aki.



DEPORTE

Uruguay a golia Vitesse 4-0 den plei-òf di kuater

KRALENDIJK -- E klup di futbòl di Nikiboko ku ta SV Atl. Flamengo, djabièrnè último 14 di òktober 2022, a golia e klup di futbòl SV Vitesse di Antriòl Pabou ku skor di 4-0 den pei-òf di kuater, esaki den Stadion Antonio Trenidad na Rincon.

Den promé mitar di e partido, Atl. Flamengo ta bai dilanti 1-0 na di 43 minüt di e partido, esaki ku gol di Roshyon Anita.

E partido ta parti na dos pa sosiegu ku Atl. Flamengo dilanti 1-0.

E di dos mitar di e partido, Rogyaer Anita na di 66 minüt di e partido, ta amplia bentaha na 2-0 pa SV Atl. Flamengo.

Na di 75 minüt di e partido, Leonard Clemensia ta amplia bentaha na 3-0 pa SV Atl. Flamengo.

Na di 86 minüt di e partido, Rogyaer Anita ta hinka su di dos gol di e partido pa

SV Atl. Flamengo amplia bentaha na 4-0, skor tambe ku e partido a finalisá kuné pa SV Atl. Flamengo bai ku e viktoria i 3 puntonan di e partido.

Rèfri ku a dirigí e partido aki huntu ku su asistentenan ta Edsel Dimie.

Un total di 532 fanátiko a paga pa mira e partido, loke ta bon pa 375 adulto, 97 mucha i 60 adulto riba 60 aña.

Un danki di parti FFB ta bai na e fanatikada ku a paga pa mira e partido.

Riba prètan rèfrinan ku a dirigí e partido, e timnan i outornan di e golnan den e partido.



FC Champs 6-3 riba Arriba Perú

KRALENDIJK -- E tim di futbòl veterano FC Champs, djasabra último den partido di futbòl veterano 50+, a gana di e ekipo veterano e di peruanonan ku ta Arriba Perú, ku skor di 6-3 den partido di futbòl amistoso di e veteranonan 50+.

Tabata un tremendo partido di kua e hungadónan ku a hinka gol den e partido pa FC Champs ta Deuly Domacassé ku a hinka 3 gol, Jair Bernabela 2 gol i Omar

Winklaar 1 gol pa duna nan ekipo e viktoria riba Arriba Perú 50+.

Pa Arriba Perú ta Tato ku a hinka e tres golnan di empate.

Pa djasabra awó FC Champs 50+ ta enfrentá La Fama 50+ pa 17:30 na Stadion Antonio Trenidad na Rincon.

Éksito na e ekiponan den e partido.

Riba potrètan outornan di e golnan di FC Champs 50+ djasabra último.



Sunniva Manuel a biaha pa Repùblika Dominikano

KRALENDIJK--Sunniva Manuel, Miss Belleza Marina Bonaire, djasabra 15 di òktober, a biaha pa Repùblika Dominikano. Aya e ta bai kompetí dia 22 di òktober na e Miss Belleza Marina Internacional na Punta Cana. Sunniva pa 1 siman largu tin e honor di representá Boneiru i su playanan riba un platafor-

ma internashonal.

Miéntas e tabata prepará pa dreña sala di salida na aeropuerto, el a papia ku prensa i tabata kompañá pa e Miss Teen Bonaire nan.

Sunniva: "Mi a prepará bon i mi ta sinti mi kómodo. Mi a siña hopi di e biba bou di laman i ta sigur ku mi por duna un bon presentashon. Otro siman djasabra ta e dia

grandi. Nos mester ta orguyoso di nos isla. Boneiru tin hopi kos kos bunita, ku ta hasi nos number 1 den dje. Kuida nos medio ambiente, esei ta yuda pa loke nos ta dependé di dje, esta e turista i nos ta ehèmpel pa otronan. Por vota p'ami

riba e website di e organisashon. Miss Belleza Marina Internacional."

"Ta mi promé biaha, un sertámen manera esaki. Mi a prepará i ta sinti bon i kómodo, meskos ku Sunniva tambe ta stabil. Un chelenge p'ami guia un per-



sona ku mas edat ku mi. Mi tin diferente tayér, pa Sunniva. Momentu e sali for di su kamber, e mester ta bon, pa impreshoná esnan aya. 22 òktober ta e dia grandi, kòrda vota pe. Mas o ménos 20 partisipante ta bai kompetí den e kategoria di edat di Sunniva Manuel."



Aksidente ku herido

KRALENDIJK -- Alrededor di 7 or di anochi ayera djadumingu 16 di òktober un aksidente entre un quad i un bús a tuma lugá riba Kaya Internashonal. A transportá shofùr di e quad pa hòspital pa tratamentu médiko. Departamentu di tráfiiko ta investigando e kaso.



FOLDING ELECTRIC BIKE

\$495



BACKPACK BEACH CHAIR

\$89



BLUETOOTH SPEAKER

\$63



SOLAR GARDEN LIGHT

\$162

*riba artikulonan selektá

TE KU 70% OFF*

FIN DI AÑA

UP TO 70% OFF*



City Shop

Smart shopping ▶ Better living



Kaya International #36



www.cityshopbonaire.com



City Shop Bonaire



+599 717.36.66



info@cityshopbonaire.com



+599 700.64.42